

SARAKALASEBAGAW

TA KITABU

Kitabu faamucogo

Ka kapa ni mɔgɔ caman ta miiriya ye, cira Musa le kera nin kitabu sebebaga ye.

Izirayelimɔgɔw tun ka kan ka Ala bato cogo min na, ani o tun ka kan ka saraka minw bɛɛ bɔ, ani sarakalasebagaw ta baarakɛcogow, nin kitabu bɛ o kow ɲafɔ an ye. O kosɔn a tɔgɔ lara ko Sarakalasebagaw ta kitabu. Nin kitabu bɛ Ala ta saninmanya yira, ani a ta mɔgɔw tun ka kan ka kewale minw kɛ, ani ka sariya minw sira tagama, janko ka Ala bonya, k'a lɔn ko Ala saninmanba lo.

Sarakalasebagaw ta kitabu kuma kunba ye saninyari ko ye. Ala saninyanin lo, a b'a fɛ a batobagaw fana ye saninya (11.44). Sarakaw jori le tun bɛ mɔgɔw saninya ka o bɔ o ta jurumunw na (19.2).

Sariya caman fɔra nin kitabu kɔnɔ. Nka hali ni o sariyaw ka gbelen, a kunba ye kanuya ye; Ala ko: «I ka kan ka i mɔgɔɲɔgɔn kanu i n'a fɔ i yere» (19.18).

Kitabu kɔnɔkow

Sariya minw ɲasinna sarakakow ma (1–7)

Haruna ni a dencew blara danna sarakalasebagaya kama (8–10)

Fɛn saninyaninw, ani fɛn saninyabariw ta sariyaw (11–15)

Jurumunyawafalonba (16)

Alabato ni saninyari ta sariyaw (17–27)

Sarakakow ta sariyaw

Saraka jenita minw ka di Ala ye

1 ¹Matigi Ala tora ɲɔgɔnkunben fanibon* kɔnɔ ka Musa wele, k'a fɔ a ye ko: ²«Kuma Izirayelimɔgɔw fɛ k'a fɔ o ye, ko ni dɔ b'a fɛ ka saraka bɔ Matigi Ala ye, a ye kɛ misi walama saga walama ba le ye.

³«Ni a ta saraka jenita ye misi le ye, a ye kɛ misitoran ye, fiyen tɛ min na. A ye taga o saraka bɔ ɲɔgɔnkunben fanibon donda ra, janko Matigi Ala ye a ta saraka mina. ⁴A ye a boro la saraka jenita kun na, janko Matigi Ala ye sɔn a ta saraka ma, k'a ta jurumun kafari. ⁵A ye o misi kannatigɛ Matigi Ala ɲa kɔrɔ. Sarakalasebagaw, minw ye Haruna dencew ye, olugu ye o jori kɛ fɛn dɔ kɔnɔ k'a kɔrɔta san fɛ Matigi Ala ɲa kɔrɔ. O kɔ, sarakajenifen min bɛ ɲɔgɔnkunben fanibon donda ra, o ye o jori seriseri o sarakajenifen fan bɛɛ kan k'a lamini. ⁶Sarakalasebaga ye o misi boso, k'a tigɛtigɛ. ⁷Sarakalasebagaw ye lɔgɔw lala sarakajenifen kan, ka tasuma kɛ a kan. ⁸Sarakalasebagaw, minw ye Haruna dencew ye, olugu ye o sogo tigɛtigenin ni misi kunkolo ni a turumanyɔrɔw bɛɛ lala lɔgɔ kunna, tasuma ra, sarakajenifen kan. ⁹O kɔ, sarakalasebaga ye a kɔnɔfɛnw ni a senw bɛɛ ko. O kɔ, a ye o ni sogo tɔ bɛɛ lajennin jeni sarakajenifen kan fɔ k'a ban; saraka jenita lo tasuma ra, min kasa ka di Matigi Ala ye.

¹⁰«Ayiwa, ni a ta saraka jenita ye saga le ye walama ba, a ka kan ka kɛ cɛman le ye, fiyen tɛ min na. ¹¹A ye a kannatigɛ sarakajenifen sahilijanfan fɛ, Matigi Ala ɲa kɔrɔ. Sarakalasebagaw, minw ye Haruna dencew ye, olugu ye a jori seriseri sarakajenifen fan bɛɛ kan k'a lamini. ¹²Sarakalasebaga ye a boso k'a tigɛtigɛ. A ye o sogo tigɛtigenin ni bɛgan kunkolo ni a turu bɛɛ lala lɔgɔ kunna, tasuma ra, sarakajenifen kan. ¹³O kɔ, sarakabɔbaga ye a kɔnɔfɛnw ni a senw bɛɛ ko. O kɔ, sarakalasebaga ye o ni sogo tɔ bɛɛ lajennin bla Matigi Ala ɲa kɔrɔ k'a jeni sarakajenifen kan fɔ k'a ban; saraka jenita lo tasuma ra, min kasa ka di Matigi Ala ye.

¹⁴«Ni i ta saraka jenita ye kɔnɔ le ye, a ye kɛ tugani walama jenɛtugani ye, min ma kɔrɔ. ¹⁵Sarakalasebaga ye taga ni o kɔnɔ ye sarakajenifen ɲa fɛ. A ye a kunkolo sama ka bɔ a ra, ka o jeni sarakajenifen kan; k'a jori bɔn sarakajenifen fandara kelen kan. ¹⁶O kɔ, a ye a joki ni a kɔnɔfɛnw bɔ, ka o firi sarakajenifen kere fɛ, terebɔyanfan na, bugurigbe bɔnnin bɛ yɔrɔ min na. ¹⁷O kɔ, a ye kɔnɔ mina a kaman fla ma k'a faran a cɛmance ra, nka a kana a bɔ ɲɔgɔn na. Sarakalasebaga ye a jeni sarakajenifen kan lɔgɔ kunna; saraka jenita lo tasuma ra, min kasa ka di Matigi Ala ye.»

Siman saraka bɔcogo

2 ¹«Ayiwa, ni mɔgɔ dɔ b'a fɛ ka siman saraka le bɔ Matigi Ala ye, o tigi ye mugu tentennin dɔ ta, ka turu kɛ o kan, ka wusunun kasadiman fara a kan, ²ka taga ni o ye sarakalasebagaw fɛ, minw ye Haruna dencew ye. Sarakalasebaga ye boro ɲa kelen cɛ o mugu tentennin tururaman ra, ka wusunun bɛɛ ta, ka o jeni sarakajenifen kan, k'a yira ko o saraka bɛɛ kera Matigi Ala ta ye. O ye siman saraka le ye min jenina tasuma ra; o kasa ka di Matigi Ala ye. ³Siman saraka tɔ min tora, o ye Haruna ni a dencew ta ye. Fɛn saninmanba lo, sabu saraka min jenina tasuma ra Matigi Ala ye, a bɔra o le ra. ⁴Ni i b'a fɛ ka i ta siman saraka jeni

burujenifen kɔɔ, k'a di Matigi Ala ma, i ye mugu tentennin dɔ nɔɔni turu ra ka o ke buru ye, funufen kana ke a ra; walama i ye a ke nɔmi ye, ka turu ke a kan, funufen kana ke a ra.

⁵ «Siman saraka min be yiran faga kɔɔ ni o dɔ lo, i ye mugu tentennin dɔ nɔɔni turu ra, funufen kana ke a ra, k'a yiran. ⁶ O kɔ, i ye a tigetige ka turu dɔ ke a kan tuun. Siman saraka lo.

⁷ «Ni siman saraka lo min be yiran poli kɔɔ, i ye mugu tentennin dɔ nɔɔni turu ra, k'a lalaga.

⁸ «O kɔ, o saraka min lalagara ni o fenw ye, i ye taga ni o ye, ka taga o di Matigi Ala ma. I be taga a di sarakalasebaga ma; ale be a bla sarakajenifen kan Matigi Ala na kɔɔ. ⁹ O kɔ, sarakalasebaga ye dɔɔnin bɔ o siman saraka ra, min be a yira ko o saraka be ye Matigi Ala ta ye; a be o jeni sarakajenifen kan. O ye siman saraka le ye, min jenina tasuma ra; o kasa ka di Matigi Ala ye. ¹⁰ Siman saraka tɔ min tora, o ye Haruna ni a dencew ta ye. Fen saninmanba lo, sabu saraka min jenina Matigi Ala ye, a bɔra o le ra.

¹¹ «Aw be siman saraka minw bɔ Matigi Ala ye, funufen kana ke o si ra. Siman saraka o siman saraka be jeni Matigi Ala ye, funufen walama li man kan ka ke o si ra. ¹² Ni aw be na ni aw ta simankura kun fɔlɔ ye ka na o di Matigi Ala ma saraka ye tuma min na, aw be se ka na ni li ni funufen ye ka na o di Matigi Ala ma o wagati ra. Nka aw man kan ka li walama funufen jeni sarakajenifen kan Matigi Ala ye, k'a ke i n'a fɔ saraka jenita, min kasa ka di.

¹³ «Aw ka kan ka kɔɔ ke aw ta siman saraka be ra. Aw kana a to kɔɔ ye fɔn aw ta siman saraka si ra; sabu Matigi Ala ka jenɔɔnya min don ni aw ye, kɔɔ le ye o tagamasiyen ye. O kosɔn aw ye kɔɔ ke aw ta siman sarakaw be ra.

¹⁴ «Ni aw be aw ta simankuraw kun fɔlɔw di Matigi Ala ma saraka ye, aw ye o siman kisew yiran, k'a susu, ka sɔɔ ka taga a di Matigi Ala ma. ¹⁵ Aw ye turu ke a kan, ka wusunan kasadiman fara a kan; siman saraka lo. ¹⁶ Sarakalasebaga be o simankise susunin dɔɔnin bɔ, ani turu ni wusunan be, ka o jeni sarakajenifen kan, k'a yira ko o saraka be kera Matigi Ala ta ye. Siman saraka lo min jenina tasuma ra Matigi Ala ye.»

Ninsɔndiya saraka

3 ¹ «Ayiwa, ni dɔ b'a fe ka ninsɔndiya saraka bɔ Matigi Ala ye, ni misitoran lo, walama misimuso, a kana a to fiyen ye ke a ra; a ye na ni a ye Matigi Ala fe. ² A ye a boro la began kun na, k'a kannatige Nɔɔnkunben fanibon* donda ra. Sarakalasebagaw, minw ye Haruna dencew ye, olugu ye a jori seriseri sarakajenifen kan k'a lamini. ³ Sarakabɔbaga ye o ninsɔndiya saraka kɔɔɔnturu be ta ka o jeni tasuma ra Matigi Ala ye, ⁴ ani a kɔkiri fla ni a turumanyɔɔw be, ani a biyen; a ye o ni kɔkiriw tige. ⁵ Sarakalasebagaw ye o jeni sarakajenifen kan, saraka jenita kan. Saraka jeninin lo tasuma ra min kasa ka di Matigi Ala ye.

⁶ «Ayiwa, ni dɔ ta ninsɔndiya saraka ye saga le ye, walama ba, ni a kera ceman le ye, walama musoman, ni a b'a fe ka o le di Matigi Ala ma, a kana a to fiyen ye ke a ra.

⁷ «Ni saga lo, a ye na ni a ye Matigi Ala fe. ⁸ A ye a boro la began kun na, k'a kannatige Nɔɔnkunben fanibon donda ra. Sarakalasebagaw, minw ye Haruna dencew ye, olugu ye a jori seriseri sarakajenifen kan k'a lamini. ⁹ Sarakabɔbaga ye o ninsɔndiya saraka turumanyɔɔw ta ka o jeni tasuma ra Matigi Ala ye, ani a kɔɔɔnturu be, ani a kukala be; a ye kukala tige fɔ a kɔkolo kɔɔ, ¹⁰ ani a kɔkiri fla, ani a turumanyɔɔw be, ani a biyen; a ye o ni kɔkiriw tige. ¹¹ Sarakalasebaga ye o jeni sarakajenifen kan. O ye domunifen le ye min kera saraka ye k'a jeni tasuma ra Matigi Ala ye.

¹² «Ayiwa, ni dɔ ta saraka ye ba le ye, a ye na ni a ye Matigi Ala na kɔɔ. ¹³ A ye a boro la a kun na, k'a kannatige Nɔɔnkunben fanibon donda ra. Sarakalasebagaw ye o jori mina k'a seriseri sarakajenifen kan k'a lamini. ¹⁴ A ye o ninsɔndiya saraka kɔɔɔnturuw be ta ka o jeni tasuma ra Matigi Ala ye, ¹⁵ ani a kɔkiri fla ni a turumanyɔɔw be, ani a biyen; a ye o ni kɔkiriw tige. ¹⁶ Sarakalasebaga be o jeni sarakajenifen kan. O ye domunifen le ye min kera saraka ye k'a jeni, ani min kasa ka di.»

Began saraka be turu ye Matigi Ala ta ye.

¹⁷ «Ayiwa, nin fana ye sariya wuribari le ye aw ni aw ta durujaw fe, ko ni aw nana taga sigi yɔɔ o yɔɔ, aw man kan ka sogo turu domu walama k'a jori domu.»

Sarakalasebagaw kuntigi ta jurumunyafa saraka

4 ¹ Matigi Ala kumana Musa fe k'a fɔ a ye ko: ² «Kuma Izirayelimɔɔw fe, i ye a fɔ o ye, ko ni mɔɔ dɔ firira ka jurumun ke, ka ko benbari dɔ ke, ka Matigi Ala ta sariya dɔ cen, o tigi ka kan ka min ke, o ye nin ye:

³ «Turu saninman kera sarakalasebaga min kan, ni ale le ka o jurumun nɔɔn ke, ka o hake bla Izirayeli jama be kunna, a ka kan ka misitoran kanaman kelen di Matigi Ala ma, fiyen te min na, a ta jurumun kosɔn; o be ke a ta jurumunyafa saraka ye. ⁴ A ye na ni o misitoran ye Nɔɔnkunben fanibon* donda ra Matigi Ala na kɔɔ. A ye a boro la misi kun na, k'a kannatige Matigi Ala na kɔɔ. ⁵ A ye jori dɔ ta ka don ni o ye Nɔɔnkunben fanibon kɔɔ. ⁶ A ye a borokanden su o jori ra, k'a seriseri sipaga wolonfla Matigi Ala na kɔɔ yɔɔ saninman* cetigefani nafera kan. ⁷ A ye jori dɔ mun wusunanjefen gbanw fana kan, Matigi Ala na kɔɔ, Nɔɔnkunben fanibon kɔɔ yi. O kɔ, a ye bɔ ka taga jori tɔ be bɔn sarakajenifen dugumayɔɔ kan, Matigi Ala na kɔɔ, Nɔɔnkunben fanibon donda ra. ⁸ O kɔ, a ye o jurumunyafa saraka sogo turu be tige ka bɔ a ra, ani a kɔɔɔnturu be, ⁹ ani a kɔkiri fla ni a turumanyɔɔw be, ani a biyen; a ye o ni kɔkiriw tige. ¹⁰ Sarakalasebaga

ye o yɔrɔw bɔ misi ra, i n'a fɔ ninsɔndiya saraka ta be ke cogo min na, ka o jeni sarakajenifen kan. ¹¹ Nka a sogo tɔ ni a gbolo ni a kunkolo ni a senw ni a kɔnɔfenw bɛɛ, ¹² ani misi tɔ bɛɛ, a ye taga o bɛɛ jeni kene ma fanibonw kɔ fe, yɔrɔ saninman dɔ ra. A ye a jeni lɔgɔ kan tasuma ra, bugurigbɛ bɔnyɔrɔ ra.»

Jama ta jurumunyafa saraka

¹³ «Ayiwa, ni Izirayelimɔgɔw jama bɛɛ le firira ka jurumun ke, hali ni o ma bɔ a kala ma, ni o ka ko benbari dɔ ke, ka Matigi Ala ta sariya dɔ cen, ka o hake bla o yere kunna, ¹⁴ ayiwa, ni o nana bɔ o jurumun kala ma, o tuma ra jama bɛɛ ye misitoran kaɲaman kelen di, ka o ke jurumunyafa saraka ye. O ye na ni o misi ye Nɔgɔnkunben fanibon* donda ra. ¹⁵ Jama cekɔrɔbaw ye o borow la misi kun na; o ra kelen ye a kannatige Matigi Ala na kɔrɔ. ¹⁶ Turu saninman kera sarakalasebaga min kan, ale ye o jori dɔ ta ka don ni a ye Nɔgɔnkunben fanibon kɔnɔ. ¹⁷ A ye a borokanden su o jori ra, ka o seriseri sɲaga wolonfla fanibon* cɛtigefani nafera kan, Matigi Ala na kɔrɔ. ¹⁸ A ye jori dɔ mun fana wusunanjɛnifen gbanw kan, Matigi Ala na kɔrɔ Nɔgɔnkunben fanibon kɔnɔ yi. O kɔ, a ye bɔ ka taga jori tɔ bɛɛ bɔn sarakajenifen dugumayɔrɔ kan, Matigi Ala na kɔrɔ, Nɔgɔnkunben fanibon donda ra. ¹⁹ O kɔ, a ye sogo turumanyɔrɔw bɛɛ tige ka bɔ a ra, ka o jeni sarakajenifen kan. ²⁰ A ye a ke i n'a fɔ a ka misi min ke saraka ye a yere ta jurumun kosɔn. O cogo le ra, sarakalasebaga bɛna o ta jurumun kafari o ye, Ala bɛna yafa o bɛɛ ma. ²¹ O kɔ, a ye taga ni sogo tɔ ye kene ma, fanibonw kɔ fe, ka taga a jeni i n'a fɔ misi min kera saraka ye a yere ta jurumunw kosɔn. Jama ta jurumunyafa saraka lo.»

Jama pamɔgɔw ta jurumunyafa saraka

²² «Ayiwa, ni jama pamɔgɔ dɔ le firira ka jurumun ke, ka ko benbari dɔ ke, ka Matigi Ala, a ta Ala ta sariya dɔ cen, ka o hake bla a yere kan, ²³ ni a nana bɔ a ta jurumun kala ma, a ye bakɔrɔnɛn kelen di, fiyen tɛ min na, ka o ke a ta jurumunyafa saraka ye. ²⁴ A ye a boro la bakɔrɔnɛn kun na, k'a kannatige Matigi Ala na kɔrɔ; o bɛ saraka jenitaw kannatige yɔrɔ min na, a ye taga a kannatige o yɔrɔ ra. Jurumunyafa saraka lo. ²⁵ Sarakalasebaga ye a borokanden su o jurumunyafa saraka jori ra, ka o mun sarakajenifen gbanw na, ka jori tɔ bɔn sarakajenifen dugumayɔrɔ ra. ²⁶ A ye o sogo turumanyɔrɔw bɛɛ jeni sarakajenifen kan, i n'a fɔ ninsɔndiya saraka ta be jeni cogo min na. O cogo le ra sarakalasebaga bɛna o jama pamɔgɔ ta jurumun kafari a ye; Ala bɛna a yafa a ma.»

Mɔgɔ gbansanw ta jurumunyafa saraka

²⁷ «Ayiwa, ni jama mɔgɔ gbansan dɔ le firira ka jurumun ke, ka ko benbari dɔ ke, ka Matigi Ala ta sariya dɔ cen, ka o hake bla a yere kan, ²⁸ ni a nana bɔ a ta jurumun kala ma, a ye ba musoman kelen di, fiyen tɛ min na, ka o ke a ta jurumunyafa saraka ye; a ye o di a ta jurumun kosɔn. ²⁹ A ye a boro la o began kun na, k'a kannatige; o bɛ saraka jenitaw kannatige yɔrɔ min na, a ye taga a kannatige o yɔrɔ ra. ³⁰ Sarakalasebaga ye a borokanden su o began jori ra k'a mun sarakajenifen gbanw na. O kɔ, a ye jori tɔ bɛɛ bɔn sarakajenifen dugumayɔrɔ ra. ³¹ A ye o sogo turumanyɔrɔw bɛɛ bɔ a ra, i n'a fɔ ninsɔndiya saraka ta be ke cogo min na, ka o jeni sarakajenifen kan. O saraka bɛna ke saraka ye min kasa ka di Matigi Ala ye. O cogo le ra, sarakalasebaga bɛna o tigi ta jurumun kafari a ye; Ala bɛna a yafa a ma.

³² «Ayiwa, ni a b'a fɛ ka saga le ke a ta jurumunyafa saraka ye, a ye a ke sagamuso ye, fiyen tɛ min na. ³³ A ye a boro la o began kun na, k'a kannatige Matigi Ala na kɔrɔ, k'a ke jurumunyafa saraka ye. O bɛ saraka jenitaw kannatige yɔrɔ min na, a ye taga a kannatige o yɔrɔ ra. ³⁴ Sarakalasebaga ye a borokanden su o began jori ra k'a mun sarakajenifen gbanw na, ka jori tɔ bɔn sarakajenifen senkɔrɔyɔrɔ ra. ³⁵ A ye o sogo turumanyɔrɔw bɛɛ bɔ a ra, i n'a fɔ ninsɔndiya saraka ta saga be ke cogo min na, ka o jeni sarakajenifen kan, i n'a fɔ saraka min jenina tasuma ra k'a ban, Matigi Ala na kɔrɔ. O cogo le ra, sarakalasebaga bɛna o tigi ta jurumun kafari a ye; Ala fana bɛna a yafa a ma.»

Jurumunyafa saraka tɔw

5 ¹ «Ayiwa, ni mɔgɔ dɔ kera ko dɔ seere ye kititigeyɔrɔ ra, ni a ka fen min ye a na ra, walama ni a ka min mɛn, ni a ma sɔn ka o ko seereya ke, o tigi ka kojugu min ke, o hake bɛ a kan.

² «Ni mɔgɔ dɔ magara fen saninyabari dɔ ra, began saninyabari dɔ su, kongobegan walama sokɔnɔbegan, walama fenpanaman minw bɛ fofo, hali ni a tigi ma bɔ a kala ma, o tuma, o tigi yere bɛ ke mɔgɔ saninyabari ye; o hake bɛ o tigi kan. ³ Ni a magara mɔgɔ saninyabari dɔ ta fen le ra, ni a kera fen o fen ye, hali ni a ma bɔ a kala ma, ni a nana a lɔn tuma o tuma, o hake bɛ o tigi kan. ⁴ Ni mɔgɔ dɔ tora kuma ra, k'a da teliya ka kari ko ale bɛna ko dɔ ke, kojuman walama kojugu, k'a sɔrɔ a ma o ko jate, ayiwa, kɔ fe ni a nana bɔ o ko kala ma, o hake bɛ o tigi kan.

⁵ «Ayiwa, nin ko minw fɔra nin ye, ni mɔgɔ min ka o dɔ ke, o tigi ka kan ka lɔ o jurumun na mɔgɔw na na. ⁶ O kɔ, a ye na ni a ta hakebɔ saraka ye Matigi Ala na kɔrɔ a ta jurumun kosɔn, began musoman dɔ, saga walama ba, ka o ke jurumun yafa sara ye; sarakalasebaga bɛna o ke k'a ta jurumun kafari a ye.

⁷ «Ni a ma se ka saga walama ba sɔɔ, a ye tugani fla, walama jenetugani den fla di Matigi Ala ma, a ta jurumun sara ye; kelen bena ke a ta jurumunyafa saraka ye, tɔ kelen be ke saraka jenita ye. ⁸ A bena o di sarakalasebaga ma; min be ke jurumunyafa saraka ye, sarakalasebaga ye kɔn ka o le bɔ fɔɔ. Sarakalasebaga ye a kannatige ni a sɔninfara ye, nka a kunkolo kana bɔ a ra; ⁹ a ye a jori seriseri sarakajenifen fan kelen kan; o kɔ, a ye jori tɔ beɛ bɔn sarakajenifen dugumayɔɔ ra. Jurumunyafa saraka lo.

¹⁰ «O kɔ, sarakalasebaga ye kɔnɔ flanan ke saraka jenita ye, ka kaɲa ni saraka jenitaw ta sariya ye. O cogo le ra sarakalasebaga bena a ta jurumun kafari a ye, Ala bena yafa a ma.

¹¹ «Ni a ma se ka tugani fla, walama jenetugani den fla sɔɔ, a ye na ni mugu tentennin kilo saba ye ka na o ke a ta jurumunyafa saraka ye. A kana turu ke a ra, a kana wusunana fana ke a ra, sabu jurumunyafa saraka lo. ¹² A ye na ni o mugu tentennin ye sarakalasebaga fe. Sarakalasebaga ye boro ɲa kelen ce o mugu ra k'a yira ko o saraka beɛ kera Matigi Ala ta ye. A ye o jeni sarakajenifen kan, i n'a fɔ siman saraka min jenina tasuma ra Matigi Ala ye. Jurumunyafa saraka lo. ¹³ O cogo le ra, sarakalasebaga bena o tigi ta jurumun kafari a ye, ni a kera ko a tun ka o ko fla dɔ ke; Ala bena yafa a ma.

«O mugu tɔ min bena to, o bena ke sarakalasebagaw ta ye, i n'a fɔ siman saraka tɔw ta be ke cogo min na.»

Hakebɔ sarakaw

¹⁴ Matigi Ala kumana Musa fe k'a fɔ a ye ko: ¹⁵ «Sarakafen minw ka kan ka bla Matigi Ala ye danna, ni mɔgɔ dɔ firira ka hakeman ko dɔ ke o fenw ta ko ra, ka o fen saninmanw lanɔgɔ, o tigi ka kan ka sagajigi kelen, walama bakɔɔnɔn kelen di Matigi Ala ma a ta jurumun sara ye; fiyen kana ke o beganw na. A tigi bena o fenw sara ka kaɲa ni ele Musa ta sɔngɔ fɔnɔn ye; a be o warida sara ka kaɲa ni yɔɔ saninman* ta jate ye. ¹⁶ A ka fen saninman min cen, a bena o sɔngɔ di, ani a sɔngɔ tarannin sigiyɔɔma looru, a be a sigiyɔɔma kelen fara a kan tuun, ka o di sarakalasebaga ma. O kɔ, sarakalasebaga bena o saga walama o bakɔɔnɔn ke a ta hakebɔ saraka ye. Ala bena yafa a ma.

¹⁷ «Ni mɔgɔ dɔ ka jurumun ke, hali ni a ma bɔ a kala ma, ni a ka ko benbari dɔ ke, ka Matigi Ala ta sariya cen, o hake be bɔ o tigi ra, a fana be lɔ ni a kunko ye. ¹⁸ A ka kan ka na ni sagajigi, walama bakɔɔnɔn dɔ ye, fiyen te min na, min be ben ele Musa ta sɔngɔ fɔnɔn ma; a ye na ni o ye sarakalasebaga fe, ka o ke a ta jurumun sara ye. A ka jurumun min ke ni a ma bɔ a kala ma, sarakalasebaga bena o jurumun kafari a ye; Ala bena yafa a ma. ¹⁹ A ta hakebɔ saraka lo, sabu o tigi ka ko benbari le ke ka Matigi Ala hake ta.»

Faninya seereya ko

²⁰ Matigi Ala kumana Musa fe k'a fɔ a ye ko: ²¹ «Ni mɔgɔ dɔ ka terenbariyako dɔ ke Matigi Ala ɲa kɔɔ, i n'a fɔ ka faninya fɔ a mɔgɔɲɔgɔn ye fen karifanin dɔ ko ra, walama fen singanin dɔ ko ra, walama fen sonyanin dɔ, walama ni a k'a mɔgɔɲɔgɔn tɔɲɔ ko dɔ ra, ²² walama ni a ka fen tununin dɔ ye ka faninya tige ko a m'a ye, walama ni a karira gbansan ko dɔ ra, walama ni a ka o ɲɔgɔnna ko dɔ ke, ²³ a ka jurumun le ke; o hake be a yere kan. Ayiwa, a ka fen min sonya, walama a k'a mɔgɔɲɔgɔn tɔɲɔ fen min na, walama fen min karifara a ma, walama a ka fen tununin min ye k'a fɔ ko a m'a ye, ²⁴ ani a karira gbansan fen min kɔsɔn, ni a nana bɔ o ko kala ma, lon min ni a be o hakebɔ saraka di, a ka kan ka o fen sara a tigi ye, ka sɔɔ k'a sɔngɔ taran taranyɔɔ looru, k'a taran kelen fara a kan ka o di a tigi ma.

²⁵ «Ka fara o kan, a ye sagajigi dɔ bɔ a ta sagaw ra, fiyen te min na, ka na ni o ye sarakalasebaga fe; a be o di Matigi Ala ma a ta hakebɔ saraka ye. O began sɔngɔ ka kan ka min bɔ, i yere bena o fɔ a ye. ²⁶ Ayiwa, sarakalasebaga bena a ta jurumun kafari a ye Matigi Ala ɲa kɔɔ; a ka jurumun o jurumun ke ka Ala hake ta, Ala bena o beɛ yafa a ma.»

Saraka jenita ta sariya

6 ¹ Matigi Ala kumana Musa fe k'a fɔ a ye ko: ² «Nin ciw fɔ Haruna ni a dencew ye, ko saraka jenita ta sariya fle nin ye: Saraka jenita ka kan ka jeni sarakajenifen kan su beɛ, fɔ ka taga dugu gbe; tasuma mananin ka kan ka to sarakajenifen kan wagati beɛ. ³ Ayiwa, sɔgɔma, saraka jenita min jenina sarakajenifen kan, sarakalasebaga ye a ta lenfaniw don a yere ra, a ta forokiyasurun ni a ta kurusi, ka o saraka jeninin buguri ce ka taga a ke sarakajenifen kere fe. ⁴ O kɔ, a ye o faniw bɔ, ka fani werew don, ka o buguri ce ka taga a bɔn kene ma Izirayelimɔgɔw ta fanibonw* kɔ fe, yɔɔ saninman* dɔ ra. ⁵ Tasuma min mananin be sarakajenifen kan, o man kan ka faga fiyewu. Sɔgɔma o sɔgɔma, sarakalasebaga ye lɔgɔ dɔ kundon a ra, ka saraka jenita laben k'a bla tasuma ra, ka ninsɔndiya saraka kɔnɔnɔ turu fana jeni a kan. ⁶ Tasuma mananin ye to sarakajenifen kan wagati beɛ, a kana faga fiyewu.»

Siman saraka ta sariya

⁷ «Ayiwa, siman saraka ta sariyaw fle nin ye: Haruna dencew le ka kan ka na ni o saraka ye Matigi Ala ɲa kɔɔ, sarakajenifen ɲa fe. ⁸ Sarakalasebaga ye dɔɔnɔn bɔ o mugu tentennin tururaman ra, ka o ni a wusunana beɛ jeni sarakajenifen kan, k'a yira ko o saraka beɛ kera Matigi Ala ta le ye. O ye siman saraka le ye, min jenina tasuma ra; o kasa ka di Matigi Ala ye. ⁹ Saraka mugu tɔ min tora, Haruna ni a dencew ye o domu. O

ye a domu yɔɔ saninman* na, Nɔgɔnkunben fanibon* lu kɔɔ, funufen man kan ka ke a ra. ¹⁰ O man kan ka funufen ke a ra k'a jeni. O ninyɔɔ le ye o ye; ne ka o le di o ma. Siman saraka min jenina tasuma ra ne Matigi Ala ye, ne k'a bɔ o le ra k'a di o ma. A saninyanin lo kosebe, i n'a fɔ jurumunyafa saraka, walama hakebɔ saraka. ¹¹ Haruna dencew bee be se k'a domu, sabu o saraka minw jenina Matigi Ala ye, olugu ninyɔɔ bena ke o le ye wagati bee. Ni mɔgɔ o mɔgɔ ka maga o ra, o be saninya ka bla danna Ala ye^a.»

Sarakalasebaga ta saraka ta sariya

¹² Matigi Ala kumana Musa fe k'a fɔ a ye ko: ¹³ «Lon min i bena Haruna ni a dencew mun ni turu ye ka o sigi sarakalasebagaya ra, o ka kan ka saraka minw di ne Matigi Ala ma, o ye nin ye: o ye mugu tentennin kilo saba ke saraka ye lon o lon. O ye a tarance ke saraka ye sɔgɔma, k'a tɔ tarance ke saraka ye wula fe. ¹⁴ O mugu ka kan ka nɔɔni turu ra, ka sɔɔ k'a yiran faga kɔɔ k'a ke nɔmi ye. I ye o nɔmi tigetige ka sɔɔ k'a di saraka ye Matigi Ala ma. Siman saraka lo min kasa ka di Matigi Ala ye.

¹⁵ «Ni turu saninman kera Haruna dence min kan k'a ke sarakalasebagaw kuntigi ye a nɔ ra, o fana ka kan ka o saraka kelen le bɔ. O saraka ka kan ka jeni Matigi Ala na kɔɔ k'a ban pewu. O ye sariya wuribari le ye.

¹⁶ «Sarakalasebagaw ta siman sarakaw bee ka kan ka jeni k'a ban pewu; foyi man kan ka domu a ra.»

Jurumunyafa saraka ta sariyaw

¹⁷ Matigi Ala kumana Musa fe k'a fɔ a ye ko: ¹⁸ «A fɔ Haruna ni a dencew ye ko jurumunyafa saraka ta sariyaw fle nin ye: Saraka jenita be kannatige yɔɔ min na, jurumunyafa saraka ka kan ka kannatige o yɔɔ le ra, Matigi Ala na kɔɔ, sabu saraka lo, min saninyanin lo kosebe.

¹⁹ «Sarakalasebaga min be jurumunyafa saraka lase Matigi Ala ma, ale le be se ka o saraka domu. A ye a domu yɔɔ saninman* na, Nɔgɔnkunben fanibon* lu kɔɔ. ²⁰ Ni sarakasogo ka maga fen o fen na, o be saninya ka bla danna Ala ye. Ni a jori sera fani o fani ma, a sera fani yɔɔ min ma, aw ye o yɔɔ ko yɔɔ saninman dɔ ra. ²¹ A sogo tobira bɔgɔdaga min kɔɔ, kɔ fe, o bɔgɔdaga ka kan ka ci. Ni siranɛge daga lo, a ye a jɔsi kosebe, k'a senenko ji ra. ²² Sarakalasebaga ta den cemanw dɔɔn le be se k'a sogo domu, sabu a saninyanin lo kosebe.

²³ «Nka o be don ni jurumunyafa saraka min o min jori dɔ ye Nɔgɔnkunben fanibon kɔɔ ka taga jurumun kafari yɔɔ saninman kɔɔ, o saraka si sogo man kan ka domu. A ka kan ka jeni k'a ban tasuma ra le.»

Hakebɔ saraka ta sariyaw

7 ¹ «Ayiwa, hakebɔ saraka ta sariyaw fle nin ye: Saraka saninyaninba lo.

² «Saraka jenita be kannatige yɔɔ min na, hakebɔ saraka ka kan ka kannatige o yɔɔ le ra. O kɔ, sarakalasebaga ye a jori seriseri sarakajenifen fan bee kan k'a lamini. ³ A ye a turumanyɔɔw bee ke saraka ye ka o di Matigi Ala ma, ani a kukala, ani a kɔɔɔɔ turu bee, ⁴ ani a kɔkiri fla ni a turumanyɔɔw bee, ani a biyen; a ye o ni kɔkiriw tige. ⁵ Sarakalasebaga ye o bee jeni sarakajenifen kan. Hakebɔ saraka lo min jenina tasuma ra Matigi Ala ye. ⁶ Sarakalasebaga ta den cemanw dɔɔn le be se k'a sogo domu; nka o ka kan k'a domu yɔɔ saninman* le ra, sabu a saninyanin lo kosebe.

⁷ «Jurumunyafa saraka ta sariya ni hakebɔ saraka ta sariya bee ye kelen ye; a bee ye sariya kelen ye. Sarakalasebaga min be jurumun kafari, o saraka sogo bena ke ale ta le ye. ⁸ Sarakalasebaga min ka mɔgɔ dɔ ta saraka jenita lase Matigi Ala ma, o saraka gbolo be ke o sarakalasebaga yere ta ye. ⁹ Siman saraka o siman saraka, ni a kera ko o saraka jenina burujenigba le kɔɔ o, walama ni a yiranna pɔli le kɔɔ o, walama ni a yiranna faga le kɔɔ o, sarakalasebaga min k'a lase Ala ma, o siman saraka be ke ale ta le ye. ¹⁰ Siman saraka o siman saraka, ni a nɔɔnina turu le ra, walama ni a jalan lo, o ye sarakalasebaga Haruna ni a dencew bee ta le ye, dɔ ma bɔ dɔ ra.»

Ninsɔndiya saraka ta sariyaw

¹¹ «Ninsɔndiya saraka min be bɔ ka di Matigi Ala ma, o ta sariyaw fle nin ye:

¹² «Ni mɔgɔ dɔ ko a be ninsɔndiya saraka bɔ, k'a ke pumanlɔn saraka le ye, a ye buru tururaman misenmanw fara o barakalari saraka kan, funufen kana ke a ra, ani nɔmi; a ye turu ke nɔmi kan, nka funufen kana ke a ra; ani buru min kera ni mugu tentennin tururaman ye. ¹³ A ka o ninsɔndiya saraka min ke pumanlɔn saraka ye, a ka kan ka burufununin dɔ fana fara o saraka kan k'a di. ¹⁴ A ye burukun kelen kelen bɔ o sarakafenw bee ra ka o kɔɔta san fe, ka o di Matigi Ala ma. Sarakalasebaga min ka ninsɔndiya saraka jori seriseri sarakajenifen kan, o buruw bena ke ale ta le ye. ¹⁵ Ninsɔndiya saraka min kera pumanlɔn saraka ye, o saraka sogo bee ka kan ka domu a bɔlon yere ra; a dɔ man kan ka si.

¹⁶ «Ni sarakabɔbaga ta saraka ye dajurudafa saraka le ye, walama ni a yere diyanya saraka lo, a be o saraka di Matigi Ala ma lon min na, a sogo ye domu o lon yere ra. Ni a tɔ ka to, a ye a domu o lon dugusagbe.

¹⁷ Nka ni sogo tɔ belen ka to tuun a dugusagbe flanan, a ye o jeni tasuma ra k'a ban. ¹⁸ Ni mɔgɔ min ka sarakasogo domu fɔ a tere sabanan, o tigi ta saraka tena mina. O saraka kera gbansan le ye, sabu a sogo kera fen haramunin le ye. Ni mɔgɔ o mɔgɔ ka o sogo domu, o hake be o tigi kan. ¹⁹ Ni fen saninyabari dɔ magara

^a6.11 Kitabu dɔw kɔɔ a fɔra ko: o tigi be halaki, walama ko: o tigi ka kan ka saninya.

sarakasogo min na, o sogo man kan ka domu tuun. O ka kan k'a jeni. Ni o te, mɔɔ minw saninyara, olugu le ka kan ka sarakasogo domu. ²⁰ Nka ni mɔɔ min ka Matigi ta ninsɔndiya saraka domu k'a sɔɔ a ma saninya, o tigi ka kan ka faran ka bɔ Izirayeli jamanadenw na. ²¹ Ni mɔɔ min magara fen saninyabari dɔ ra fana, ni a kera mɔɔ saninyabari dɔ le ye o, walama began o, walama fen saninyabari dɔ were o, ni o tigi ka Matigi Ala ta ninsɔndiya saraka domu, o tigi ka kan ka faran ka bɔ a ta jamana mɔɔw ce ra.»

Sogo turu ni jori ta sariya

²² Matigi Ala kumana Musa fe k'a fɔ a ye ko: ²³ «Kuma Izirayelimɔɔw fe k'a fɔ o ye ko o man kan ka sogo turu domu. Ni a kera misi le ye o, walama saga o, walama ba o, o man kan ka o si turu domu. ²⁴ Ni a kera ko aw ka began dɔ su le ye, walama ni wara dɔ le k'a faga, aw be se ka o turu ke ka mako were ja, nka aw man kan k'a domu.

²⁵ «Sarakasogo turu minw be jeni tasuma ra k'a ke saraka ye Matigi Ala ye, ni mɔɔ o mɔɔ ka o domu, o tigi ka kan ka faran ka bɔ a ta jamana mɔɔw ce ra.

²⁶ «Ni aw ka taga sigi jamana o jamana ra, aw kana kɔɔ walama began si jori domu. ²⁷ Ni mɔɔ min ka o fenw dɔ jori domu, o tigi ka kan ka faran ka bɔ Izirayeli jamanadenw na.»

Sarakalasebagaw ninyɔɔw

²⁸ Matigi Ala kumana Musa fe k'a fɔ a ye ko: ²⁹ «A fɔ Izirayelimɔɔw ye, ko ni dɔ b'a fe ka ninsɔndiya saraka bɔ Matigi Ala ye, Matigi ninyɔɔ ye min ye o saraka ra, a ye o di. ³⁰ Min ka kan ka jeni tasuma ra Matigi Ala ye, a yere ye na ni o ye. A ye na ni a turumanyɔɔw ni a disi ye; a ye o disi fifa Matigi Ala ja kɔɔ. ³¹ Sarakalasebaga ye a turu jeni sarakajenifen kan; nka disi be ke Haruna ni a dencew ta ye.

³² «Aw ta ninsɔndiya sarakaw ra, aw ka kan ka kininboroyanfan woto fana tige ka o di sarakalasebaga ma. ³³ Haruna dence min bena ninsɔndiya saraka jori ni a turu lase Matigi Ala ma, kininboroyanfan woto be ke ale ta le ye. ³⁴ O ra, Izirayelimɔɔw be ninsɔndiya saraka minw bɔ, disi min bɔra o saraka ra k'a fifa, ani a woto min dira Ala ma, ne ka o di sarakalasebaga Haruna ni a dencew le ma, sabu o le bena ke olugu ninyɔɔ ye wagati bee.

³⁵ «O ninsɔndiya saraka min turu jenina tasuma ra Matigi Ala ye, o disi ni o woto min bɔra o saraka ra, o le be ke Haruna ni a dencew ta ye, ni i nana o mun lon min na ni turu saninman* ye, ka o sigi sarakalasebagaya ra. ³⁶ Ni i nana o mun lon min na, Matigi Ala k'a fɔ ko Izirayelimɔɔw ye o le di o ma. O ye sariya wuribari le ye o ni o ta duruja nataw bee fe, wagati bee.

³⁷ «Ayiwa, sarakaw ta sariyaw le ye nin ye; saraka jenita, ani siman saraka, ani jurumunyafa saraka, ani hakebɔ saraka, ani sarakalasebagaw ta saninyari saraka, ani ninsɔndiya saraka.»

³⁸ Matigi Ala ka o ciw le fɔ Musa ye Sinayi kuru kan, kongokolon kɔɔ, lon min na a k'a fɔ Izirayelimɔɔw ye ko o ye saraka bɔ ale ye.

Haruna ni a dencew sigira sarakalasebagaya ra

8 ¹ Matigi Ala kumana Musa fe k'a fɔ a ye ko: ² «Na ni Haruna ni a dencew ye, ani o ta fani saninmanw, ani turu saninman*, ani misitoran min bena ke o ta jurumunyafa saraka ye, ani sagajigi fla, ani burufunubariw be segi min kɔɔ. ³ Izirayeli jama bee lajen fana Nɔɔɔnkunben fanibon* donda ra.»

⁴ Matigi Ala ka min fɔ, Musa ka o ke. A ka jama bee lajen Nɔɔɔnkunben fanibon donda ra. ⁵ Musa k'a fɔ jama ye ko: «Matigi Ala ka ci min fɔ, ne bena o le ke bi.» ⁶ A ka Haruna ni a dencew lana; a ka o ko ni ji ye. ⁷ O kɔ, Musa ka forokiyasurun don Haruna ra, ka cesirinan ke k'a cesiri, ka forokiyajan fana don a ra, ka saninderege la o kan, ka saninderege cesirinan ke ka saninderege cesiri. ⁸ A ka disirafen siri a disi ra, ka Urimi ni Tumimi^b don disirafen na. ⁹ A ka jalamugu fugula biri a kun na, ka tennasanin tagamasiyen saninman siri o kan, a ten na, i n'a fɔ Matigi Ala tun k'a fɔ cogo min na.

¹⁰ O kɔ, Musa ka turu saninman* seriseri Nɔɔɔnkunben fanibon* ni a kɔɔfenw bee kan, ka o saninya ka o bla danna Ala ye. ¹¹ A ka dɔ seriseri sarakajenifen kan sijaga wolonfla, ani a minanw bee, ani minanba ni a siginan, ka o bee saninya.

¹² O kɔ, Musa ka turu saninman* dɔ ke Haruna kun na, k'a saninya Ala ta baara kama.

¹³ A ka Haruna dencew fana gbara a yere ra, ka olugu fana ta forokiyasurunw don o ra, ka o ta cesirinanw siri o ce ra, ka o ta banflaw biri o kun na, i n'a fɔ Matigi Ala tun k'a fɔ a ye cogo min na.

¹⁴ O kɔ, a nana ni jurumunyafa saraka ta misi ye. Haruna ni a dencew ka o boro la o misitoran kun na. ¹⁵ Musa ka misi kannatige, k'a jori dɔ ta, k'a borokanden su o ra ka o mun sarakajenifen gbanw na, ka o saninya. O kɔ, a ka jori tɔ bee bɔn sarakajenifen dugumayɔɔw ra, ka sarakajenifen saninya, ka jurumunw kafari.

^b8.8 Urimi ni Tumimi tun ye sarakalasebaga ta baarakeminan dɔw ye. Ala tun be tagamasiyen dɔw yira sarakalasebaga ra ni o fenw ye, ka Izirayelimɔɔw ta kiti tige (Bɔri 28.30; Sarakalasebagaw 8.8).

¹⁶ Musa ka misi boso k'a kɔnɔnɔturu bɛɛ bɔ, ani a biyen, ani a kɔkiri fla ni a turu bɛɛ, ka o bɛɛ jeni sarakajenifen kan. ¹⁷ Nka misi gbolo ni a sogo tɔ, ani a kɔnɔfenw, a tagara o bɛɛ jeni kene ma, fanibonw* kɔ fɛ, i n'a fɔ Matigi Ala tun k'a fɔ a ye cogo min na.

¹⁸ O kɔ, a nana ni sagajigi kelen ye, min bena ke saraka jenita ye. Haruna ni a dencew ka o boro la sagajigi kun na. ¹⁹ Musa k'a kannatige, k'a jori seriseri sarakajenifen fan bɛɛ kan k'a lamini. ²⁰ A ka sagajigi boso, k'a tigetige, k'a kunkolo ni a sogo ni a turu bɛɛ jeni. ²¹ A k'a kɔnɔfenw ni a senw ko ni ji ye, ka o ni sagajigi sogo tɔ bɛɛ jeni sarakajenifen kan, ka o ke saraka jeninin ye tasuma ra, min kasa ka di Matigi Ala ye, i n'a fɔ Matigi Ala tun k'a fɔ Musa ye cogo min na.

²² O kɔ, a ka sagajigi flanan mina, sagajigi min be ke Haruna ni a dencew ta saninyari saraka ye. Haruna ni a dencew ka o boro la o sagajigi kun na. ²³ Musa k'a kannatige, k'a jori dɔɔnin ta, ka o mun Haruna kininboroyanfan toro nunkun na, ani a kininboroyanfan borokandenba, ani a kininboroyanfan senmandenba. ²⁴ O kɔ, a ka Haruna dencew fana gbara a yere ra, ka jori dɔ mun olugu fana kininboroyanfan toro nunkun na, ani o kininboroyanfan borokandenba, ani o kininboroyanfan senmandenba. O kɔ, a ka jori tɔ seriseri sarakajenifen fan bɛɛ kan k'a lamini. ²⁵ A ka sagajigi boso, k'a turu bɔ, ani a kukala, ani a kɔnɔnɔturu, ani a biyen, ani a kɔkiri fla ni a turu, ani a kininboroyanfan woto; ²⁶ burufunubari minw tun blara segi kɔnɔ Matigi Ala na kɔrɔ, a ka burukun kelen ta o ra, ani buru turuman kelen ni ɲɔmikun kelen. A ka o fara sogo turu ni a kininboroyanfan woto kan. ²⁷ A ka o fenw bɛɛ don Haruna ni a dencew boro, o ka o fifa Matigi Ala na kɔrɔ. ²⁸ O kɔ, a ka o fenw mina o boro, ka o jeni ni saraka jenita ye sarakajenifen kan. O kera Haruna ni a dencew ta saninyari saraka ye. Saraka jeninin lo tasuma ra, min kasa ka di Matigi Ala ye. ²⁹ O kɔ, Musa ka o sagajigi disi ta k'a fifa Matigi Ala na kɔrɔ. O disi kera Musa yere ninyɔrɔ ye o saninyari saraka ta sagajigi ra, i n'a fɔ Matigi Ala tun k'a fɔ Musa ye cogo min na. ³⁰ Musa ka turu saninman* dɔ ta, ani jori min tun bɔnna sarakajenifen kan; a ka o seriseri Haruna ni a ta faniw kan, ani a dencew ni o ta faniw. A kera ten, Haruna ni a dencew ni o ta faniw bɛɛ saninyara ka bla Matigi Ala ta baara kama.

³¹ Musa k'a fɔ Haruna ni a dencew ye ko: «Aw ye sagajigi flanan sogo tobi ɲɔɔnkunben fanibon* donda ra. Aw ka kan k'a domu o yɔrɔ le ra, Matigi Ala na kɔrɔ; sarakalasebagaw ta saninyari saraka tun be segi min kɔnɔ, buru minw bɔra o segi kɔnɔ, aw ye o fana domu. Aw ye a domu ɲɔɔnkunben fanibon donda ra, i n'a fɔ ne k'a fɔ aw ye cogo min na. ³² Ni o sogo, walama ni o buru tɔ ka si, aw ye o tɔ jeni k'a ban pewu.»

³³ Musa k'a fɔ Haruna ni a dencew ye tuun ko: «Aw ye to ɲɔɔnkunben fanibon donda ra ka se fɔ tere wolonfla, fɔ ka taga aw ta saninyari lonw dafa; sabu tere wolonfla le be dafa, aw be sɔrɔ ka saninya ka don sarakalasebagaya ra. ³⁴ Min kera bi, Matigi Ala le ka o bɛɛ fɔ. O kera janko aw ta jurumunw bɛɛ ye kafari. ³⁵ O ra, aw ye to ɲɔɔnkunben fanibon donda ra su ni tere, fɔ tere wolonfla, ka Matigi Ala ta koketaw dafa; ni o tɛ, aw be sa. Matigi Ala ka o le fɔ ne ye.»

³⁶ Ayiwa, Matigi Ala tun ka ci minw don Musa da ra k'a lase Haruna ni a dencew ma, o ka o bɛɛ ke.

Sarakalasebagaw ka o ta baara damina

9 ¹ Ayiwa, sarakalasebagaw ta saninyari tere seeginan lon na, Musa ka Haruna ni a dencew ni Izirayeli cɛkɔrɔbaw bɛɛ wele.

² A k'a fɔ Haruna ye ko: «Misitoran kelen ke i yere ta jurumunyafa saraka ye, ka sagajigi kelen ke i ta saraka jenita ye; fiyen kana ke o si ra. I ye o di saraka ye Matigi Ala ma. ³ O kɔ, i ye kuma Izirayelimɔgɔw fɛ k'a fɔ o ye ko o fana ye bakɔrɔnin kelen ke o ta jurumunyafa saraka ye, ka san kelen misiden ni san kelen sagajigi ke o ta saraka jenita ye. Fiyen kana ke o si ra. ⁴ O ye na ni misitoran kelen ye fana, ani sagajigi kelen, ka o ke ninsɔndiya saraka ye, ka o di Matigi Ala ma; ka mugu dɔ nɔɔni turu ra, ka o ke siman saraka ye ka o fara o kan; sabu Matigi Ala bena a yere yira aw ra bi.»

⁵ Ayiwa, Musa ka began minw ko fɔ, mɔgɔw nana ni o beganw ye ɲɔɔnkunben fanibon* donda ra. Jama bɛɛ nana, ka na lɔ Matigi Ala na kɔrɔ. ⁶ Musa ko: «Matigi Ala ko aw ye nin sarakaw bɔ, janko ale ye a ta nɔɔrɔ yira aw ra bi.»

⁷ Musa k'a fɔ Haruna ye ko: «Gbara sarakajenifen na ka i ta jurumunyafa saraka ni i ta saraka jenita bɔ, ka i yere ta jurumunw kafari, ani jama ta jurumunw. O kɔ, i ye jama bɛɛ ta saraka bɔ fana ka o ta jurumunw kafari, i n'a fɔ Matigi Ala k'a fɔ cogo min na.»

⁸ Ayiwa, Haruna gbarara sarakajenifen na; a ka misitoran kannatige, ka o ke a yere ta jurumunyafa saraka ye. ⁹ A dencew ka o jori dɔ ta ka o di a ma; a k'a borokanden su jori ra, ka o jori dɔ ke sarakajenifen gbanw kan. O kɔ, a k'a tɔ bɔn sarakajenifen dugumayɔrɔ ra. ¹⁰ A ka o jurumunyafa saraka turu ni a kɔkiri fla ni a biyen jeni sarakajenifen kan, i n'a fɔ Matigi Ala k'a fɔ Musa ye cogo min na. ¹¹ Nka a sogo tɔ ni a gbolo, a tagara o jeni kene ma Izirayelimɔgɔw ta fanibonw* kɔ fɛ.

¹² O kɔ, Haruna ka saraka jenita fana kannatige. A dencew ka o jori dɔ ta ka o di a ma. A ka o seriseri sarakajenifen fan bɛɛ kan k'a lamini. ¹³ O ka o sarakasogo tigetige ka o di Haruna ma, ani a kunkolo; a ka o jeni sarakajenifen kan. ¹⁴ A k'a kɔnɔfenw ni a senw ko, ka olugu jeni sarakajenifen kan ni saraka jenita ye. ¹⁵ O kɔ, Haruna ka jama bɛɛ ta saraka fana lase Ala ma. Mɔgɔw tun nana ni bakɔrɔnin min ye ka na o ke o ta jurumunyafa saraka ye, a ka o mina, k'a kannatige, k'a di saraka ye Matigi Ala ma, i n'a fɔ a tun k'a yere ta

ke cogo min na. ¹⁶ A ka jama ta saraka jenita mina, misiden ni sagaden, ka o ke saraka ye, i n'a fɔ a tun latigera cogo min na. ¹⁷ A ka siman saraka ta, ka boro ɲa kelen ce o ra ka o ke sɔgɔmada ta saraka jenita kan, ka o jeni sarakajenifen kan.

¹⁸ O kɔ, jama tun nana ni misitoran ni sagajigi min ye, ka o ke o ta ninsɔndiya saraka ye, Haruna ka o kannatige. A dencew ka o jori dɔ ta ka o di a ma; a ka o seriseri sarakajenifen fan bee kan k'a lamini. ¹⁹ O ka o misitoran ni o sagajigi turumanyɔwɔw, ni o kukalaw, ni o kɔnɔnɔ turuw, ni o kɔkiriw ni o biyenw bɔ o ra, ²⁰ ka o fara disiw kan. Haruna ka o turuw jeni sarakajenifen kan. ²¹ A ka disiw ta, ani kininboro wotow, ka o fifa Matigi Ala ɲa kɔwɔ, i n'a fɔ Musa tun k'a fɔ cogo min na.

²² Ayiwa, Haruna ka o jurumunyafa saraka, ni o saraka jenita, ni o ninsɔndiya saraka bɔ ka ban tuma min na, a k'a boro lawuri ka dugawu ke jama bee ye. O kɔ, a jigira ka bɔ sarakajenifen kɔwɔ.

²³ Musa ni Haruna donna ɲɔgɔn fe ɲɔgɔnkunben fanibon* kɔnɔ. O bɔra minke, o ka dugawu ke jama bee ye. O kɔ, jama bee ka Matigi Ala nɔwɔ ye.

²⁴ Tasuma dɔ bɔra san fe, Matigi Ala fe, ka na saraka jenitaw ni sogo turuw bee jeni sarakajenifen kan. Jama bee ka o ye minke, o ka kule ci, ka o ɲa biri dugu ma, ka Matigi Ala bato.

Nadabu ni Abihu ka kojugu min ke

10 ¹ Haruna dence minw ye Nadabu ni Abihu ye, lon dɔ olugu ka o ta wusunan dagaw ta, ka takami ke a kɔnɔ, ka wusunan ke a kan; o ka wusunan don Matigi Ala ɲa kɔwɔ ni tasuma dɔ ye, min tun bɔra yɔwɔ were ra^c, k'a sɔwɔ o ma ben ni Matigi Ala ta kuma ye. ² A kera ten minke, Matigi Ala ka tasuma lajigi o mɔgɔ fla kan, ka o jeni ka o faga o yɔwɔnin kelen bee ra.

³ Musa k'a fɔ Haruna ye o le ra ko: «Matigi Ala yere tun ka kankari la aw ye nin ko ra; a ko: «Ne b'a fe ko ne ta sarakalasebaga minw be ne ta baara ke, olugu ye ne ta saninmanya jate, ka bonya la ne kan mɔgɔw bee ɲa na.» »

Haruna jera, a ma kuma.

⁴ Musa ka Haruna face balemaɓe Uziyeli dencew wele, minw ye Misaheli ni Elisafan ye, k'a fɔ o ye ko: «Aw ye taga aw balemaɓe suw ta ka bɔ yɔwɔ saninman* kɔnɔ, ka taga ni o ye kene ma, fanibonw* kɔ fe.» ⁵ Olugu gbarara o suw ra; o ka o ta forokiyasurunw to o kana ka o ta ka taga ni o ye fanibonw kɔ fe, i n'a fɔ Musa k'a fɔ o ye cogo min na.

⁶ Musa k'a fɔ Haruna ni a dence fla Elehazari ni Itamari ye, ko: «Aw kana aw kunsigi ɲagaminin to, walama ka aw ta faniw faran nin ko kosɔn; ni o te, aw fana bena sa; Matigi Ala ta dimi bena se jama fana ma. Matigi Ala ka minw jeni ka o faga, aw balemaɓe Izirayelimɔgɔw le bena olugu su kasi. ⁷ Aw fana kana bɔ ɲɔgɔnkunben fanibon* donda ra; ni o te, aw bena sa; sabu Matigi Ala ka aw saninya ka aw bla Ala ta baara kama.»

Musa ka min fɔ, Haruna ni a dencew k'a ke ten.

Sariya min fɔra duven ko ra

⁸ Matigi Ala kumana Haruna fe k'a fɔ a ye ko: ⁹ «Ele ni i dencew, ni aw be don ɲɔgɔnkunben fanibon* kɔnɔ tuma o tuma, aw kana duven, walama minnifen fariman si min; ni o te, aw be sa. O ye sariya wuribari le ye aw ni aw ta duruja nataw bee fe. ¹⁰ Aw kana duven walama minnifen fariman dɔ min, janko fen minw blara danna Ala ye, aw ye se ka olugu faranfasi ka bɔ fen tɔw ra, ka fen saninyaninw faranfasi ka bɔ fen saninyabariw ra fana; ¹¹ ani janko ne ka sariya minw don Musa da ra k'a fɔ aw ye, aw ye se ka Izirayelimɔgɔw karan o ra.»

Sariya min fɔra sarakasogo ko ra

¹² Musa k'a fɔ Haruna ni a dence tɔ fla Elehazari ni Itamari ye ko: «Siman saraka minw jenina tasuma ra k'a di Matigi Ala ma saraka ye, o tɔ min tora, aw ye o ta ka o ke buru ye, k'a domu sarakajenifen kɔwɔ, sabu domunifen saninman lo; aw ye a domu, aw kana funufen ke a ra. ¹³ Aw ka kan k'a domu yɔwɔ saninman* dɔ ra. O saraka minw jenina Matigi Ala ye, o saraka tɔ ye ele Haruna ni i dencew ninyɔwɔ le ye; Matigi Ala ka o le fɔ ne ye.

¹⁴ «Began disi ni a woto min fana bɔra Izirayelimɔgɔw ta ninsɔndiya saraka ra, min fifara Matigi Ala ɲa kɔwɔ, aw ye o fana domu yɔwɔ saninman dɔ ra. Ele ni i dencew ninyɔwɔ le ye o ye. I denmusow fana be se ka o domu ni aw ye.

¹⁵ «Izirayelimɔgɔw ka kan ka na ni o woto ni o disi ye, ani turu minw be jeni tasuma ra k'a di saraka ye Matigi Ala ma. Ni began disi fifara Matigi Ala ɲa kɔwɔ, ani k'a woto fana fifa Matigi Ala ɲa kɔwɔ, o woto ni o disi bena ke ele ni i dencew ninyɔwɔ ye. O ye sariya wuribari le ye, i n'a fɔ Matigi Ala k'a fɔ cogo min na.»

^c10.1 Tasuma min tun bɔra yɔwɔ were ra: Aw ye nin yɔwɔw fle: Sarakalasebagaw 9.2; 16.12; Jateri 17.11.

Jurumunyafa saraka ta sogo

¹⁶ Ayiwa, bakɔɔnɔn min kera jama ta jurumunyafa saraka ye, Musa ka o ko jininka, k'a ye ko sarakalasebagaw ka o sogo beɛ jeni tasuma ra. Musa dimina Haruna dence fla kɔɔ, Elehazari ni Itamari. ¹⁷ A ko o ma: «Mun kosɔn aw ma o jurumunyafa saraka sogo domu yɔɔ saninman* dɔ ra? O ye fen saninyaninba le ye. Matigi Ala ka o di aw ma, ko aw ye jama ta hake bɔ o kunna, ka o ta jurumun kafari o ye, Matigi Ala na kɔɔ. ¹⁸ I n'a fɔ a jori ma don Nɔɔnɔnɔnben fanibon* kɔɔ, aw tun ka kan k'a domu yɔɔ saninman dɔ le ra, i n'a fɔ ne k'a fɔ aw ye cogo min na.»

¹⁹ Haruna ka Musa jaabi ko: «A fle, Izirayelimɔɔw ka o ta jurumunyafa saraka ni o ta saraka jenita bɔ Matigi Ala na kɔɔ bi. Ayiwa, bɔnɔ min ka ne sɔɔ, ele yere ka o lɔn. Yala bi lon nɔɔn na, ni ne tun ka o jurumunyafa saraka sogo domu, o tun bena diya Matigi Ala ye wa?»

²⁰ Haruna ka min fɔ, Musa sɔnna o ma.

Fen saninyaninw ani fen saninyabariw ta sariyaw

Sogo saninyaninw ani a saninyabariw

11 ¹ Matigi Ala kumana Musa ni Haruna fe, k'a fɔ o ye ko: ² «Aw ye a fɔ Izirayelimɔɔw ye ko beganw beɛ ra, aw be se ka minw sogo domu, ³ o ye began minw sen gbɔɔɔ cira fla ye, ani o fana be bin jimiko fla ke^d; aw be se ka olugu le domu. ⁴ Nka minw be bin jimiko fla ke dɔɔn, walama minw sen gbɔɔɔ cira fla ye dɔɔn, aw man kan ka olugu domu; o ra, aw man kan ka nɔɔme domu, sabu a be bin jimiko fla ke, nka a sen gbɔɔɔ ma ci fla ye; aw ye a sogo jate i n'a fɔ sogo saninyabari. ⁵ Aw man kan ka farawɔninan domu, sabu a be bin jimiko fla ke, nka a sen gbɔɔɔ ma ci fla ye; aw ye a sogo jate i n'a fɔ sogo saninyabari. ⁶ Aw man kan ka sonzannin domu, sabu a be bin jimiko fla ke, nka a sen gbɔɔɔ ma ci fla ye; aw ye a sogo jate i n'a fɔ sogo saninyabari. ⁷ Aw man kan ka le domu, sabu a sen gbɔɔɔ cira fla ye, nka a te bin jimiko fla ke; aw ye a sogo jate i n'a fɔ sogo saninyabari.

⁸ «Aw kana o fenw si sogo domu; aw kana maga hali o su ra. Aw ye o sogo jate i n'a fɔ sogo saninyabari.»

Jirafen saninyaninw ani a saninyabariw

⁹ «Ayiwa, fenpanaman minw be kɔɔji ra, ani baji ra, ani kɔw ra, aw be se ka o minw domu, o fle nin ye: fara ni jinɔmunan be minw na, aw be se ka olugu le domu. ¹⁰ Nka fenpanaman o fenpanaman be ji ra, ni fara ni jinɔmunan te a ra, ni a kera fenpanaman min o min ye, aw ye o haramuya. ¹¹ Aw ye a haramuya, aw kana a sogo domu. Aw ye hali a su haramuya. ¹² Jirafen o jirafen, ni fara ni jinɔmunan te a ra, aw ka kan ka o haramuya.»

Kɔnɔ saninyaninw ani a saninyabariw

¹³ «Ayiwa, aw ka kan ka kɔnɔ minw haramuya, ani aw man kan ka minw domu, olugu fle nin ye: bɔn, ani dugaba, ani kɔɔjibɔn, ¹⁴ ani kongoduga, ani duga suguya tɔw, ¹⁵ ani kankan, ani o kɔnɔ suguya tɔw, ¹⁶ ani kɔnɔsogolon, ani gbingbingbe, ani jidarakɔnɔ, ani segen, ani segen suguya tɔw, ¹⁷ ani gbingbinfin, ani jegeminakɔnɔ, ani gbingbinba, ¹⁸ ani gbingbin fitini, ani kɔnɔdaba, ani dugafin, ¹⁹ ani baninkɔnɔ, ani kɔnɔ senjan, ani kɔnɔ kunsigiman, ani tolen^e.»

Fenpanaman saninyaninw ani a saninyabariw

²⁰ «Fenpanaman minw be ni sen naani ye, ani o be wuri san fe kaman na fana, aw ye olugu beɛ haramuya. ²¹ Nka o fenpanamanw beɛ ra, minw kɔfesew ka janjan ni o be digi a kan ka pan, aw be se ka olugu le domu; ²² o kɔɔ ye ko aw be se ka tɔnba domu, ani geren, ani tonwulen, ani tɔnmisen, ani o nɔɔn tɔnw beɛ. ²³ Nka fenpanaman tɔ min o min be ni sen naani ye, ni o be wuri san fe, aw ye o beɛ haramuya.»

Mɔɔ man kan ka maga fen saninyabariw su ra

²⁴ «Ayiwa, ni aw ka o fen saninyabariw domu, o be aw lanɔɔ le. Ni mɔɔ o mɔɔ ka maga hali o fenw dɔ su ra, o tigi saninyabari be to fɔ ka taga wula se. ²⁵ Ni mɔɔ o mɔɔ ka o fenw dɔ su ta, o tigi ka kan k'a ta faniw ko; nka a saninyabari be to fɔ ka taga wula se.

²⁶ «Sogo o sogo, ni a sen gbɔɔɔ ma ci fla ye, ani ni a te bin jimiko fla ke, aw ye o sogo jate fen saninyabari ye. Ni mɔɔ o mɔɔ ka maga o dɔ su ra, o tigi saninyabari be to. ²⁷ Sennaanimanfen min o min be tagama a sentege kan, aw ye o beɛ jate fen saninyabari ye. Ni mɔɔ o mɔɔ ka maga a dɔ su ra, o tigi saninyabari be to

^d11.3 Ka bin jimiko fla ke: O kɔɔ ye ko o beganw be bin jimi, nka o kɔ fe, o be o bin kelen lana o da ra tuun k'a jimi kosebe ka sɔɔ k'a kunu.

^e11.19 Nin kɔnɔw caman te sɔɔ an ta mara ra yan, o kosɔn an te se ka o beɛ tɔɔ bereberew lɔn k'a fɔ.

fɔ ka taga wula se. ²⁸Ni mɔgɔ o mɔgɔ ka o fenw dɔ su ta, o tigi ka kan k'a ta faniw ko; o tigi saninyabari be to fɔ ka taga wula se. Aw ye o fenw bɛɛ jate fen saninyabariw ye.»

Fenpanaman fofotaw saninyanin te

²⁹«Fenpanaman minw be fofo o kɔnɔbara kan, aw ka kan ka o minw jate fen saninyabari ye, olugu fle nin ye: kongoninan, ani sokɔnɔninan, ani kaganan suguya bɛɛ, ³⁰ani surandɛɛ, ani sakene, ani kogoro, ani basa, ani nɔnsi. ³¹Aw ye o fenw bɛɛ jate fen saninyabariw ye. Ni mɔgɔ o mɔgɔ ka maga o fen dɔ su ra, o tigi saninyabari be to fɔ ka taga wula se. ³²Ni o fen dɔ su ka ben fen o fen kan, o fen be jate fen saninyabari ye. Ni a su benna minan yiriraman dɔ kɔnɔ, walama fani dɔ kan, walama gbolo dɔ kan, walama bɔrɔ, walama baarakeminan fen o fen, aw ka kan ka o fen ko; nka a saninyabari be to fɔ ka taga wula se; o kɔ, a be sɔrɔ ka saninya. ³³Ni o fen su ka ben bɔgɔdaga dɔ kɔnɔ, fen o fen tun be o bɔgɔdaga kɔnɔ, o be ke fen saninyabari ye. Aw ka kan ka o bɔgɔdaga ci. ³⁴Ni a kera ko ji le tun be o bɔgɔdaga kɔnɔ, ni o ji sera domunifen o domunifen ma, o domunifen be ke fen saninyabari ye; ni a sera ji minta le ma, o ji minta fana be ke fen saninyabari ye. ³⁵Ni o fen saninyabari su ka ben fen o fen le kan, o fen be ke fen saninyabari ye. Ni a kera burujenigba le ye o, walama tobirikegba o, aw ka kan k'a ci; sabu a kera fen saninyabari le ye. Aw ka kan k'a jate fen saninyabari le ye.

³⁶«Nka ni a fen tɔgɔ su ka ben bunun le kɔnɔ, walama kɔlɔn kɔnɔ, o bunun ta ji walama o kɔlɔn ta ji saninyanin be to. Nka mɔgɔ min be a su labɔ ji ra, o tigi saninyabari be to. ³⁷Ni a fen tɔgɔ su ka ben siman le kan, siman min bena dan, o siman saninyanin be to fana. ³⁸Nka ni a kera ko ji le tun kera o siman kan k'a jigi, ni o fen dɔ su ka ben a ra, o tuma aw ka kan ka o siman jate fen saninyabari le ye.»

Jufasogo man kan ka domu

³⁹«Ayiwa, aw be se ka fenpanaman minw sogo domu, ni o dɔ ka jufa, ni mɔgɔ o mɔgɔ ka maga o su ra, o tigi saninyabari be to fɔ ka taga wula se. ⁴⁰Ni mɔgɔ min fana ka o jufasogo dɔ domu, o tigi ka kan k'a ta faniw ko; nka a saninyabari be to fɔ ka taga wula se. Ni mɔgɔ min fana k'a su ta, o tigi ka kan k'a ta faniw ko; a saninyabari be to fɔ ka taga wula se.»

Izirayelimɔgɔw man kan ka o yere lanɔgɔ

⁴¹«Fen o fen be fofo a kɔnɔbara kan, aw ye o bɛɛ haramuya. Aw kana o si domu. ⁴²Fen o fen be fofo a kɔnɔbara kan, ani minw be tagama sen naani walama sen caman kan, aw kana olugu si domu; aw ka kan ka o fenw haramuya. ⁴³Aw kana aw yere haramuya o fen fofotaw si sababu ra, aw kana aw yere lanɔgɔ o sababu ra, aw kana a to o fenw ye aw ke mɔgɔ saninyabariw ye.

⁴⁴«Ne le ye Matigi Ala ye, aw ta Ala. Aw ka kan ka saninya, sabu ne saninyanin lo. O ra, fenpanaman o fenpanaman be fofo, aw kana maga o ra, ka aw yere lanɔgɔ ni o fenw ye. ⁴⁵Ne le ye Matigi Ala ye; ne le ka aw labɔ Misiran jamana ra, ka ke aw ta Ala ye. O kosɔn aw ye saninya, sabu ne saninyanin lo.

⁴⁶«Nin le ye sogow ni kɔnɔw ni jirafenw ta sariyaw ye, ani fen minw be fofo dugu ma. ⁴⁷Ne ka o fɔ aw ye, janko aw ye se ka fen saninyaninw, ani fen saninyabariw lɔn ka o bɔ jɔgɔn na, ani ka fen domutaw, ani fen domubariw fana lɔn ka o bɔ jɔgɔn na.»

Muso jebagatɔw ta sariya

12¹Matigi Ala kumana Musa fe k'a fɔ a ye ko: ²«Kuma Izirayelimɔgɔw fe, i ye a fɔ o ye, ko ni muso dɔ ka kɔnɔ ta ka jigi dence ra, o muso saninyabari be to fɔ tere wolonfla, i n'a fɔ ni a ka landa ye, a saninyabari be to cogo min na.

³«A jiginin tere seeginan, o ye den kenesigi. ⁴O kɔ, a ka kan ka tere bisaba ni tere saba le ke ka sɔrɔ ka saninya pewu, ka bɔ a ta jebagatɔya ra. Sani o ce, a man kan ka maga fen saninyanin si ra, a man kan ka don Nɔgɔnkunben fanibon* lu kɔnɔ, fɔ ka taga a ta saninyari wagati dafa.

⁵«Ni muso jigira musoden le ra, a saninyabari be to fɔ tere tan ni naani, i n'a fɔ ni a ka landa ye, a saninyabari be to cogo min na. O kɔ, a ka kan ka tere biwɔrɔ ni wɔrɔ le ke tuun, ka sɔrɔ ka saninya pewu, ka bɔ a ta jebagatɔya ra.

⁶«Ayiwa, ni a ta saninyari lonw dafara tuma min na, ni a ka dence le woro walama denmuso, a ye taga ni san kelen sagajigi ye sarakalasebaga fe Nɔgɔnkunben fanibon donda ra, ka o ke saraka jenita ye; ani jenetugani kelen, walama tugani kelen, ka o ke jurumunyafa saraka ye. ⁷Sarakalasebaga bena o ke saraka ye Matigi Ala ja kɔrɔ, ka o muso ta jurumunw kafari. Ni o kera, jori min bɔra a fe a jigiwagati ra, a be saninya ka bɔ o ra. Ni muso jigira dence walama denmuso ra, sariya min sigira o ko ra, o le ye nin ye.

⁸«Ayiwa, ni muso min ma se ka sagaden sɔrɔ, o be se ka na ni kongotugani fla ye, walama jenetugani fitini fla. Kelen ye ke saraka jenita ye, tɔ kelen ye ke jurumunyafa saraka ye. Sarakalasebaga bena o ke saraka ye Matigi Ala ja kɔrɔ, ka muso ta jurumunw kafari; ni o kera, a be saninya.»

Farikolo ta banaw ta sariyaw

Fari birindiri ni warawara ni kurukuruw

13 ¹Matigi Ala kumana Musa ni Haruna fe, k'a fo o ye ko: ²«Ni kuru do ka bo mogo do fari ra, walama warawara, walama ni no gbeman dow ka bo a fari ra, k'a ke i ko bana minw be mogo fari cen, o ye taga ni o tigi ye sarakalasebaga Haruna fe, walama Haruna dence sarakalasebaga do fe. ³Sarakalasebaga be o yoro fle a fari ra. Ni a k'a ye ko a yoro siw gbegbenin lo, k'a ye ko a yoro dunyara doonin fana, o tuma bana minw be mogo fari cen, o do lo. Ni sarakalasebaga k'a fle ka ban, a y'a fo ko o tigi saninyanin te.

⁴«Nka ni a yoro nugunin lo doron, k'a gbe, ni a ma dunya, ni a siw ma gbegbe fana, sarakalasebaga ye o banabagato to a kelen na yoro do ra fo tere wolonfla. ⁵A tere wolonflanan, sarakalasebaga ye a fle tuun. Ni a k'a ye ko bana ma juguya, ni a fana ma yerege a fari yoro bee ra, sarakalasebaga y'a to a kelen na yoro do ra fo tere wolonfla were tuun. ⁶Ni o tere wolonfla ka dafa, sarakalasebaga ye a fle tuun. Ni a k'a ye ko bana no tununa doonin, ni a ma yerege a fari yoro bee ra, o tuma sarakalasebaga ye a fo ko o tigi saninyara, ko warawara doron tun lo. Banabagato ye a ta faniw ko; o ko, a be saninya.

⁷«Nka ni sarakalasebaga k'a fle, k'a bla ka taga, ko a keneyara, ni bana ka taga juguya, a ka kan ka kosegi ka na a yere yira sarakalasebaga ra. ⁸Sarakalasebaga bena a fle kokura tuun. Ni a k'a ye ko bana juguyara a fari ra, a ye a fo ko o tigi saninyanin te; bana minw be mogo fari cen, o do lo.»

Bana minw be mogo fari cen

⁹«Bana minw be mogo fari cen, ni o do ka mogo do mina, aw ye taga ni o tigi ye sarakalasebaga fe. ¹⁰Sarakalasebaga ye a tigi fle. Ni a k'a ye ko kuru min be a fari ra, ko o gbenin lo, k'a ye fana ko o yoro siw gbegbenin lo, ko jori na wulennin lo, ¹¹o tuma o bana ye bana koro le ye a farisogo ra. Sarakalasebaga y'a fo ko a saninyanin te. Sarakalasebaga kana a fo ko a be a to a kelen na yoro do ra tuun, sabu sigiya t'a ra, a tigi saninyanin te.

¹²«Nka ni sarakalasebaga k'a ye ko kurukuruw bora a fari yoro bee le ra, k'a ta a kun na ka taga a bla fo a sentege ra, o tuma sarakalasebaga ye a fle ka na kosebe. ¹³Ni a k'a ye ko o bana k'a fari yoro bee le mina, a y'a fo ko o banabagato saninyanin lo; a saninyanin lo, sabu a fari gbegbera doron le.

¹⁴«Nka ni jori nana ye a fari ra lon min na, o tuma a saninyanin te. ¹⁵Sarakalasebaga bena o joriw fle, k'a fo ko a saninyanin te. O joriw saninyanin te; bana minw be mogo fari cen, o do lo. ¹⁶Nka ni jori da nana gbe, a ye kosegi ka taga sarakalasebaga fe. ¹⁷Sarakalasebaga bena a fle. Ni a k'a ye ko can ra, a fari yoro minw tun wulenna, ko olugu gbegbera tuun, a y'a fo ko o bana banna, sabu a fari gbera. O tuma a saninyara.»

Farirajoriw

¹⁸«Ayiwa, ni sumuni bora mogo do fari ra, ni a nana keneya, ¹⁹ni o ko kuru gbeman do nana wuri o sumuni no ra, walama ni o sumuni no nugura, k'a yoro gbe, walama k'a yoro wulen, o tigi ye taga a yere yira sarakalasebaga ra. ²⁰Sarakalasebaga bena a yoro fle. Ni a k'a ye ko a yoro dunyara doonin, ani k'a yoro siw gbegbe, sarakalasebaga y'a fo ko o tigi saninyanin te. Bana minw be mogo fari cen, o do le wurira sumuni no ra ten.

²¹«Nka ni sarakalasebaga k'a fle, k'a ye ko a yoro siw ma gbegbe, ni a yoro ma dunya fana, ni a no tununa doonin, sarakalasebaga ye o tigi to a kelen na yoro do ra fo tere wolonfla. ²²O ko, ni a k'a fle k'a ye ko bana k'a fari yoro bee mina, sarakalasebaga y'a fo ko a saninyanin te. Bana minw be mogo fari cen, o do lo. ²³Nka ni a no tora a cogo ra, ni a m'a fari yoro bee mina, o tuma, sumuni le jara; a no doron lo. Sarakalasebaga ye a fo ko o tigi saninyanin lo.»

Tasumajenida

²⁴«Ni tasuma ka mogo do jeni, ni a sumana, nka ni a no gbera, walama k'a wulen doonin, ²⁵sarakalasebaga ye a yoro fle. Ni a k'a ye ko o tasumajenida yoro siw gbegbera, k'a dunya doonin, o tuma bana minw be mogo fari cen, o do le daminana o tasumajenida no ra. O ra, sarakalasebaga y'a fo ko o tigi saninyanin te.

²⁶«Nka ni sarakalasebaga k'a fle k'a ye ko a yoro siw ma gbegbe, ni a yoro dunyara doonin, nka ni a no tununa doonin, o tuma, sarakalasebaga y'a to a kelen na yoro do ra fo tere wolonfla. ²⁷A tere wolonflanan lon, sarakalasebaga ye a fle tuun. Ni a k'a ye ko bana juguyara a fari ra, sarakalasebaga ye a fo ko a saninyanin te. Bana minw be mogo fari cen, o do lo.

²⁸«Nka ni a no tora a cogo ra, ni a m'a fari yoro bee mina, ni a no yere tununa doonin, o tuma tasumajenida no doron lo. Sarakalasebaga ye a fo ko a saninyanin lo, sabu tasumajenida dama lo.»

Kunkolo ni bonbonkun ta kaba

²⁹ «Ni kaba bɔra ce walama muso dɔ kun na, walama a bonbonkun na, ³⁰ sarakalasebaga ye o kaba fle. Ni a k'a ye ko a nɔ dunyara dɔɔnin, k'a yɔrɔ siw ke fitini fitini neremuguman ye, sarakalasebaga y'a fɔ ko o tigi saninyanin te. Kaba lo; bana minw be mɔgɔ fari cen, o dɔ le wurira a kunkolo walama a bonbonkun na.

³¹ Nka ni a k'a fle k'a ye ko a yɔrɔ ma dunya, ko a yɔrɔ siw ma finfin, sarakalasebaga y'a to a kelen na yɔrɔ dɔ ra fɔ tere wolonfla. ³² A tere wolonflanan lon, sarakalasebaga ye a fle tuun. Ni a k'a ye ko kaba m'a fari yɔrɔ bɛɛ mina, ni a yɔrɔ siw ma ke neremuguman ye fana, ni a yɔrɔ fana ma dunya, ³³ o banabagatɔ ka kan k'a kun walama a bonbosi li. Nka kaba be yɔrɔ minw na, a kana o li. O kɔ, sarakalasebaga y'a to a kelen na tuun tere wolonfla wɛɛ. ³⁴ Ni tere wolonfla ka dafa, sarakalasebaga ye a fle tuun. Ni kaba ma yɔrɔ bɛɛ mina, ni a nɔ ma dunya fana, a ye a fɔ ko o banabagatɔ saninyanin lo. A ka kan k'a ta faniw dɔɔn le ko; o kɔ, a be saninya.

³⁵ «Nka ni sarakalasebaga ko a saninyara, k'a bla ka taga, ni o kaba tagara juguya, a ka kan ka kɔsegi ka na janko sarakalasebaga ye a fle tuun. ³⁶ Ni a k'a ye ko kaba k'a fari yɔrɔ bɛɛ mina ka ban, kun te a ra tuun ko a y'a fle ni o yɔrɔ siw kera neremuguman ye, sabu sigiya t'a ra, o tigi saninyanin te. ³⁷ Nka ni sarakalasebaga k'a ye ko bana ma taga ja, ni a yɔrɔ siw ka ke bɔ ye tuun, o tuma o kaba keneyara; o tigi fana saninyara. O tuma sarakalasebaga ye a fɔ ko a saninyara.»

Bana min be mɔgɔ fari gbɛgbɛ

³⁸ «Ayiwa, ni nɔ gbɛman dɔw ka bɔ ce, walama muso dɔ fari ra, ³⁹ sarakalasebaga bena o tigi fle. Ni a k'a ye ko a yɔrɔ nugunin lo k'a gbɛ dɔɔnin, o tuma kurukuru dɔɔn le wurira a fari ra. A saninyanin lo.»

Kunkolo ta sumuni

⁴⁰ «Ni mɔgɔ dɔ kun cemanceyɔrɔ siw bɛɛ bɔnna, a kun le wulanna; a saninyanin lo. ⁴¹ Ni a kun pafeyɔrɔ siw le bɔnna, o tuma a kun pafeyɔrɔ le wulanna dɔɔn; a saninyanin lo.

⁴² «Nka ni kuru dɔ ka bɔ o wulanyɔrɔ ra, ka wulen, ni a kera kun cemance le ra, walama tenda ra, o tuma bana minw be mɔgɔ fari cen, o dɔ le be wurira a kun wulanyɔrɔ ra. ⁴³ Sarakalasebaga ye a yɔrɔ fle. Ni a ka kuru dɔ ye a kun wulanyɔrɔ ra min wulenna, k'a ke i ko bana min be mɔgɔ fari cen, ⁴⁴ o tuma i b'a sɔrɔ o bana dɔ lo; a saninyanin te. Sarakalasebaga ye a fɔ ko o bana min be a kunkolo ra ko o kosɔn a saninyanin te.

⁴⁵ «Ayiwa, ni o faricenbana dɔ be mɔgɔ dɔ ra, o tigi ka kan ka fani faranninw le don. A ka kan k'a kunsigi pagaminin to a kun na. A ye fen dɔ ke k'a ja dugumayɔrɔ datugu, ka to ka perɛn k'a fɔ ko: «Ne saninyanin te! Ne saninyanin te!» ⁴⁶ A saninyabari bena to fɔ ka taga a ta bana ban. O kosɔn a ka kan ka to a danna kene ma fanibonw kɔ fe, k'a yere mabɔ mɔgɔw ra.»

Nɔ min be bɔ fani walama gbolo ra

⁴⁷ «Ni sumaya sera fani donta dɔ ma ka nɔ bla a ra, ni a kera sagasifani le ye, walama lenfani, ⁴⁸ walama ni a sera fanimugu dɔ le ma, walama derege dɔ, min ye lenfani ye walama sagasi, walama ni a sera gbolo dɔ le ma, walama fen gboloraman dɔ, ⁴⁹ ni a nɔ kera binkeneman, walama wulenman, o tuma o fani walama o gbolo cenna le. O ka kan k'a yira sarakalasebaga ra. ⁵⁰ Sarakalasebaga ye a nɔ fle. O kɔ, a ye o fen bla bon kɔnɔ ka da sɔgɔ a da ra fɔ tere wolonfla. ⁵¹ A tere wolonflanan, a ye a nɔ fle tuun. Ni a k'a ye ko a nɔ bonyara, o tuma o fani walama o gbolo cenna le. Fen saninyabari lo. ⁵² Sarakalasebaga ka kan k'a jeni. Ni a kera fanimugu le ye, walama derege, min ye lenfani ye, walama sagasi, walama fen gboloraman dɔ ye, a ka kan ka a bɛɛ jeni tasuma ra, sabu a cenna.

⁵³ «Nka ni sarakalasebaga k'a fle tere wolonfla kɔ fe, k'a ye ko nɔ min tun be o fen na, ko o nɔ ma bonya, ⁵⁴ o tuma a y'a fɔ ko o ye a ko; o kɔ, a ye a bla bon kɔnɔ ka da sɔgɔ a da ra tuun fɔ tere wolonfla wɛɛ.

⁵⁵ Ayiwa, ni sarakalasebaga nana a fle o tere wolonfla kɔ, k'a ye ko nɔ be a cogo ra, hali ni a nɔ ma bonya, o fen saninyanin te. Ni a kɔ le cenna o, walama ni a ja le cenna o, a ye a jeni.

⁵⁶ «Nka ni sarakalasebaga k'a fle, k'a ye ko a konin kɔ o nɔ bɔra a ra dɔɔnin, ni a kera fanimugu le ye o, walama a derege o, walama fen gboloraman dɔ, a ye o yɔrɔ tige ka bɔ a ra.

⁵⁷ «Ayiwa, o kɔ fe, ni nɔ nana ye o fani donta ra, walama o fanimugu ra, walama o derege ra, walama o fen gboloraman ra tuun, o tuma a cenna le tuun. Aw ye a jeni tasuma ra.

⁵⁸ «Ni nɔ ka ke fani o fani na, k'a cen, ni a kera fanimugu le ye, walama derege, walama fen gboloraman dɔ, ni o k'a ko, ni nɔ bɔra a ra, o ka kan k'a ko tuun. Ni o kera, a be saninya.

⁵⁹ «Ayiwa, nɔ minw be ke fanidontaw ra, ni a kera sagasifani le ye o, lenfani o, walama fanimugu, walama derege, walama fen gboloraman dɔ, o sariya le ye nin ye. Nin sariyaw le b'a to aw be se k'a lon ko o fenw saninyara walama ko o ma saninya.»

Banabagatɔ saninyacogo

14 ¹ Matigi Ala kumana Musa fe k'a fɔ a ye ko: ² «Bana minw be mɔgɔ fari cen, ni o dɔ tun be mɔgɔ dɔ ra, ni a tigi keneyara, a ta saninyari ka kan ka ke cogo min na, o fle nin ye: a fɔlɔ, o ye na ni a ye

sarakalasebaga fe. ³ Sarakalasebaga be bo ni a ye fanibonw ko fe, ka taga a fle. Ni a k'a ye ko a keneyara can ra, ⁴ a y'a fo a ye ko a ye na ni konw fla ye, minw panaman lo, a ta saninyari koson, konw minw saninyanin lo, ani sediriyiri, ani jese wulenman, ani izope flaburu. ⁵ Sarakalasebaga b'a fo ko o ye konw kelen kannatige, k'a jori ke jimuman do ra, bogodaga do konw. ⁶ O ko, sarakalasebaga be konw panaman mina, ani sediriyiri, ani jese wulenman, ani izope flaburu; konw min kannatigera k'a jori ke bogodaga konw, jimuman na, a ye o fenw ni konw panaman su o jori ra. ⁷ Banabagato min ka kan ka saninya, a ye a seriseri ale kan sipaga wolonfla. Ni o kera, sarakalasebaga ye a fo ko a saninyara. O ko, a ye konw panaman bla ka taga kongo konw.

⁸ «Banabagato min be saninyara, ale ka kan k'a ta faniw ko, k'a fari siw bee li, k'a yere ko fana ka soru ka saninya. O ko, a be se ka don dugu konw. Nka a ka kan ka tere wolonfla ke ka soru ka don a ta fanibon konw. ⁹ A tere wolonflanin, a ye a fari siw bee li tuun, a kun ni a bonbosi, ani a nasiw bee. O ko, a ye a ta faniw ko, k'a yere ko fana. Ni o kera, a be soru ka saninya pewu.

¹⁰ «A tere seeginan, a ye na ni sagaden ceman fla ye, fiyen te minw na, ani sagaden musoman kelen, min si ye san kelen ye, ani fiyen te min na. A ye mugu tentennin kilo konwonton ta ka o konw ni turu ra, ani turu litiri tarance. ¹¹ Sarakalasebaga min be saninyari ke, ale be taga ni banabagato ni o fenw bee ye Matigi Ala na koru Ngonkunben fanibon* donda ra. ¹² Sarakalasebaga ye na ni sagaden ceman kelen ye, ka o ke hakebo saraka ye, ka turu litiri tarance fara o kan. A be o saraka fifa Matigi Ala na koru. ¹³ Jurumunyafa saraka ni saraka jenitaw be kannatige yoru min na, yoru saninman* konw, a ka kan ka saga kannatige o yoru le ra. Jurumunyafa saraka ye sarakalasebaga ta ye cogo min na, hakebo saraka fana ye a ta ye o cogo le ra; sabu saraka lo min saninyanin lo kosebe.

¹⁴ «Mogu min ka kan ka saninya, sarakalasebaga ye hakebo saraka jori do ta k'a mun o tigi kininboroyanfan toro nunkun na, ani a kininboroyanfan borokandenba ni a senmandenba. ¹⁵ O ko, sarakalasebaga ye turu donw ke a yere numanboro tege konw, ¹⁶ k'a kininboro borokanden su o turu ra a numanboro tege konw, k'a seriseri sipaga wolonfla Matigi Ala na koru. ¹⁷ O ko, turu to min tora a borotege konw, a be o mun a tigi kininboroyanfan toro nunkun na, ani a kininboroyanfan borokandenba ni a senmandenba, a tun konw ka hakebo saraka jori mun o yoru minw na. ¹⁸ Ayiwa, turu to min tora sarakalasebaga borotege konw, a ye o ke banabagato kun na, janko k'a ta jurumun kafari a ye Matigi Ala na koru.

¹⁹ «O ko, sarakalasebaga ye jurumunyafa saraka bo, janko min be saninyara ka bo a ta bana ra, ka o tigi ta jurumun kafari, k'a saninya. O ko, sarakalasebaga ye saraka jenita kannatige; ²⁰ a be o saraka kuturu bee jeni ni siman saraka ye, sarakajenifen kan Matigi Ala na koru. Sarakalasebaga ye a ta jurumun kafari a ye; ni o kera, a be saninya.

Banabagato fagantanw saninyacogo

²¹ «Ayiwa, ni a kera ko fen te banabagato boro, fen minw fora, ni o bee se ma ke a ye, o tuma a ye na ni sagaden ceman kelen doron ye, ka na o ke hakebo saraka ye. O be o saraka fifa Matigi Ala na koru, ka o ke k'a ta jurumun kafari. A be mugu tentennin kilo saba doron ta, ka o konw ni turu ra, ka o ke siman saraka ye, ani turu litiri tarance. ²² A ye na ni tugani fla ye, walama jenetugani fla, ka kapa ni a seko ye. Kelen ye ke jurumunyafa saraka ye, to kelen ye ke saraka jenita ye.

²³ «A ta saninyari tere seeginan, a ye na ni o fenw bee ye sarakalasebaga fe Ngonkunben fanibon* donda ra, Matigi Ala na koru, ka na a ta saninyari dafa. ²⁴ Sarakalasebaga ye sagaden ceman ta, ka o ke hakebo saraka ye, ani turu litiri tarance. A ye o fifa Matigi Ala na koru. ²⁵ O ko, a ye hakebo saraka ta saga kannatige, ka o saraka jori do ta k'a mun banabagato kininboroyanfan toro nunkun na, ani a kininboroyanfan borokandenba, ni a senmandenba. ²⁶ Sarakalasebaga ye turu do ta, ka donw ke a yere numanboro tege konw, ²⁷ k'a kininboroyanfan borokanden su a ra k'a seriseri Matigi Ala na koru sipaga wolonfla. ²⁸ O ko, sarakalasebaga ye o turu donw ta ka o mun a tigi kininboroyanfan toro nunkun na, ani a kininboroyanfan borokandenba ni a senmandenba ra, a tun konw ka hakebo saraka jori mun yoru minw na. ²⁹ Ayiwa, turu to min tora sarakalasebaga borotege konw, a ye o ke a tigi kun na, janko k'a ta jurumun kafari Matigi Ala na koru. ³⁰ O ko, a sera ka na ni tugani minw ye walama jenetuganiw, sarakalasebaga ye kelen bo o ra, ³¹ ka o ke jurumunyafa saraka ye, ka to kelen ke saraka jenita ye. A ye o ke saraka ye, ka siman saraka do fara o kan, k'a ta jurumun kafari Matigi Ala na koru. Ni o kera, a bena saninya.

³² «Ayiwa, bana minw be mogu fari cen, ni o do ka mogu do mina, ni o tigi keneyara, k'a soru saraka min yirara, cogo te a boro ka o bee bo, ale be se k'a yere saninya cogo min na, o sariya le ye nin ye.»

No be bon minw na

³³ Matigi Ala kumana Musa ni Haruna fe tuun k'a fo o ye ko: ³⁴ «Ne bena Kanaana jamana min di aw ma k'a ke aw ta ye, ni aw tagara se yi tuma min na, ni ne nana sumaya yelen aw ta bon kogo kan o jamana ra, ka no bla a ra, ³⁵ o bontigi ye taga sarakalasebaga fe ka taga a fo a ye ko: «Ne ka no do ye ne ta bon kogo kan, a be i n'a fo sumaya le yelenna a kan.» ³⁶ Sarakalasebaga b'a fo a ye ko a ye taga a ta bonkonw fenw bee labo kene ma, sani ale ye don ka taga o no fle. O ra, fen o fen tun be bon konw, o si te jate fen saninyabari ye. Ni o fenw bee labora, sarakalasebaga be don bon konw. ³⁷ Ni sarakalasebaga ka o now fle, ni a k'a ye ko now kera

binkeneman, walama wulenman, k'a yɔɔ kɛ dinga ye kogo ra, ³⁸ sarakalasebaga be bɔ bon kɔɔ, k'a fɔ o ye ko o ye bon da sɔɔ fɔ tere wolonfla. ³⁹ Ni tere wolonfla dafara, sarakalasebaga be kɔsegi ka taga a fle tuun. Ni a k'a ye ko nɔw cayara kogo ra, ⁴⁰ a ye a fɔ o ye ko sumaya yelenna bon kabakuru min o min na, ko o ye o beɛ labɔ ka taga o firi dugu kɔ fe, yɔɔ saninyabari dɔ ra; ⁴¹ o ye bon kɔɔɔɔyɔɔ kogo beɛ siyan, k'a bɔɔ ce ka taga a firi dugu kɔ fe, yɔɔ saninyabari dɔ ra. ⁴² O kɔ, o ye kabakuru werew ta ka o don kɔɔmanw nɔ ra, ka bɔɔ dɔ were ke ka bon bari. ⁴³ Ayiwa, o kabakuru bɔnin kɔ bon na, k'a kogow siyan, k'a bari kura ye, ni sumaya belen donna bon na tuun ka nɔ ke a ra, ⁴⁴ sarakalasebaga ka kan ka taga bon fle tuun. Ni a k'a ye ko nɔw yerɛgera ka don bon kogow ra tuun, o tuma bon cenna ka ban le; bon saninyanin tɛ. ⁴⁵ O ka kan ka o bon ci le, k'a kabakuruw ni a yiriw ni a bɔɔ beɛ ce ka taga a firi dugu kɔ fe yɔɔ saninyabari dɔ ra.

⁴⁶ «Ayiwa, ka o bon da sɔɔɔnin to fɔ tere wolonfla, ni mɔɔ o mɔɔ k'a dayele ka don a kɔɔ, o tigi saninyabari be to fɔ ka taga wula se. ⁴⁷ Ni mɔɔ o mɔɔ k'a da yeɛ ka don ka la a kɔɔ, walama ka domuni ke a kɔɔ, o tigi ye a ta faniw ko.

⁴⁸ «Nka bon barinin kɔ, ni sarakalasebaga k'a fle k'a ye ko sumaya ma yelen a kan tuun ka nɔ bla a ra, o tuma sarakalasebaga ye a fɔ ko o bon saninyanin lo; sabu sumaya tun ka nɔ minw bla a ra, o beɛ banna pewu. ⁴⁹ O tuma sarakalasebaga ye kɔɔ fla mina, ani sediriyiri, ani jese wulenman ni izope flaburu, ka bon saninya ni o ye. ⁵⁰ A ye kɔɔ kelen kannatige k'a jori ke jɔnuman na bɔɔdaga dɔ kɔɔ. ⁵¹ A be sediriyiri ta, ani izope flaburu, ani jese wulenman, ani kɔɔ panaman; kɔɔ min kannatigera, a ye o fenw su o jori ra, ani jɔnuman na, k'a seriseri bon kan sɔnaga wolonfla. ⁵² O cogo ra, a bena o bon saninya ni kɔɔ jori ye, ani jɔnuman, ani kɔɔ panaman, ani sediriyiri, ani izope flaburu ni jese wulenman. ⁵³ O kɔ, a ye kɔɔ panaman bla, a ye bɔ dugu kɔɔ ka taga kongo kɔɔ. A bena jurumun kafari ke o cogo le ra ka bon saninya. Ni o kera, bon be saninya.

⁵⁴ «Ayiwa, bana minw be mɔɔ fari cɛn, o sariya le ye nin ye, ani kaba, ⁵⁵ ani ni sumaya donna fani na, walama bon, ⁵⁶ ani kurukuruw, ani warawara, ani nɔ gbeman minw be bɔ mɔɔ fari ra; o sariyaw le ye nin ye. ⁵⁷ O sariyaw le be a yira ni fen saninyara walama ni a ma saninya. O banaw ta sariyaw le ye nin ye.»

Cew ta saninyabariya

15 ¹ Matigi Ala kumana Musa ni Haruna fe, ² ko o y'a fɔ Izirayelimɔɔw ye, ko: «Ni damajalan ka ce mina, k'a ke ko neen be bɔn a yere ma, o neen be o tigi lanɔɔ. ³ Ni a kera ko o neen be bɔnna le, walama ni a k'a ta jegenekyɔɔ le datugu, ni a kera min o min ye, o tigi ma saninya. ⁴ O kosɔn ni o tigi ka la fen o fen kan, walama ni a ka sigi fen o fen kan, o fen be ke fen saninyabari ye. ⁵ Ni mɔɔ min fana ka maga a ta lanan na, o tigi ka kan k'a ta faniw ko, k'a yere ko fana. A saninyabari be to fɔ ka taga wula se. ⁶ Ni mɔɔ min ka sigi a sigiyɔɔ ra, o tigi fana ka kan k'a ta faniw ko, k'a yere fana ko. A saninyabari be to fɔ ka taga wula se. ⁷ Ni mɔɔ min ka maga o ce banabagatɔ ra, o tigi fana ka kan k'a ta faniw ko, k'a yere ko. A saninyabari be to fɔ ka taga wula se. ⁸ Ni a daji ka se mɔɔ saninyanin min ma, o tigi ka kan k'a ta faniw ko, k'a yere ko. A saninyabari be to fɔ ka taga wula se. ⁹ Ni a ka sigi kirike o kirike kan ka taga tagama ra, o kirike saninyabari be to. ¹⁰ Ni fen o fen blara banabagatɔ kɔɔ, a ye la a kan walama a ye sigi a kan, ni mɔɔ min ka maga o fen na, o tigi saninyabari be to fɔ ka taga wula se. Ni mɔɔ min ka o fen ta, o tigi ka kan k'a ta faniw ko, k'a yere ko. A saninyabari be to fɔ ka taga wula se. ¹¹ Ni banabagatɔ tegekobari ka maga mɔɔ o mɔɔ ra, o tigi ka kan k'a ta faniw ko, k'a yere ko. A saninyabari be to fɔ ka taga wula se. ¹² Ni banabagatɔ ka maga bɔɔdaga min na, o bɔɔdaga ka kan ka ci. Ni a magara minan yiriraman dɔ le ra, o ka kan ka ko ni ji ye kosebe k'a gbe.

¹³ «Ayiwa, ni a nana ke ko o ce ta neen tɛ bɔnna tuun, a ka kan ka lɔɔkun kelen le ke, ka sɔɔ ka saninya pewu. A ka kan k'a ta faniw ko, k'a yere ko ni jɔnuman ye. Ni o kera, a be saninya. ¹⁴ A tere seeginan, a ka kan ka jenɛtugani fla, walama sokɔɔtugani fla jini, ka taga ni o ye sarakalasebaga fe, Matigi Ala ja kɔɔ, Nɔɔnkunben fanibon* donda ra. ¹⁵ Sarakalasebaga bena tugani kelen ke jurumunyafa saraka ye, ka tɔ kelen ke saraka jenita ye. O cogo ra, sarakalasebaga be a saninya Matigi Ala ja kɔɔ, ka bɔ a ta bana ra.

¹⁶ «Ayiwa, ni lawa be bɔn ce fe, k'a sɔɔ bana tɛ a ra, a ka kan k'a yere ko ka gbe. A saninyabari be to fɔ ka taga wula se. ¹⁷ Lawa sera birifani min ma, walama fen gboloraman min ma, o ka kan ka ko. A saninyabari be to fɔ ka taga wula se.

¹⁸ «Ni ce ni muso ka jen ni jɔɔɔn ye, o fla beɛ ka kan ka ko. O saninyabari be to fɔ ka taga wula se.»

Musow ta saninyabariya

¹⁹ «Ni muso be landa ra, a saninyabari be to fɔ lɔɔkun kelen. Ni mɔɔ o mɔɔ ka maga a ra, o tigi saninyabari be to fɔ ka taga wula se. ²⁰ Ni a ka la fen o fen kan, walama ni a ka sigi fen o fen kan a ta landa wagati ra, o fen be ke fen saninyabari ye. ²¹ Ni mɔɔ o mɔɔ ka maga a ta lanan na, o tigi ka kan k'a ta faniw ko, k'a yere ko. A saninyabari be to fɔ ka taga wula se. ²² Ni o muso sigira fen o fen kan, ni mɔɔ min ka maga o fen na, o tigi ka kan k'a ta faniw ko, k'a yere ko. A saninyabari be to fɔ ka taga wula se. ²³ Fen minw tun be a ta lanan walama a ta siginan kan, ni mɔɔ o mɔɔ ka maga o fen dɔ ra, o tigi saninyabari be to fɔ ka taga wula se. ²⁴ Ni ce min ka jen ni o muso ye, k'a to landa ra, muso ta saninyabariya be yeɛma o ce fe. O ce fana saninyabari be to fɔ lɔɔkun kelen. Ni o ce ka la lanan o lanan kan, o lanan saninyabari be to.

²⁵ «Ni jori ka bɔn muso dɔ fe ka tere dama ke, k'a sɔɔ a ta landa wagati te, walama ni a ta landa wagati le nana janya ka teme a cogokɔɔ kan, o wagati bee ra, a saninyabari be to, i n'a fɔ a ta landa wagati ra. ²⁶ Ni a ka la lanan o lanan kan, walama ni a ka sigi siginan o siginan kan, o fana saninyabari be to, i n'a fɔ a ta landa wagati ra. ²⁷ Ni mɔɔ o mɔɔ ka maga o lanan walama o siginan na, o tigi ka kan k'a ta faniw ko, k'a yere ko fana. A saninyabari be to fɔ ka taga wula se.

²⁸ «Ni o jori nana lɔ, muso ka kan ka tere wolonfla ke ka sɔɔ ka saninya tuun. ²⁹ A tere seeginan, a ka kan ka jenetugani fla, walama sokɔɔtugani fla jini ka taga ni o ye sarakalasebaga fe, Nɔɔɔnkunben fanibon* donda ra. ³⁰ Sarakalasebaga bena tugani kelen ke jurumunyafa saraka ye, ka tɔ kelen ke saraka jenita ye. O cogo ra, sarakalasebaga be a saninya Matigi Ala na kɔɔ ka bɔ a ta joribɔn na.

³¹ «Ayiwa, aw ye a fɔ Izirayelimɔɔw ye ko wagati min ni o saninyanin te, o kana gbara ne Ala ta yɔɔ saninman* na, janko o Nɔɔɔnkunben fanibon min be a yira ko ne be aw ce ra, o kana na o lanɔɔ o ta saninyabariya kosɔn, k'a to ne ye o faga.

³² «Ayiwa, ni damajalan ka ce mina k'a ke ko neen be bɔn a fe, walama ni lawa be bɔn a fe k'a sɔɔ bana te a ra, k'a lanɔɔ, o sariyaw le ye nin ye; ³³ ani ni muso be landa ra, walama ni ce ka jen ni muso ye k'a sɔɔ muso saninyabari lo, o sariyaw le ye nin ye.»

Jurumun yafalonba

16 ¹ Ayiwa, Haruna dence fla tun sara, sabu olugu tun ka wusunan don ni tasuma min ye Matigi Ala na kɔɔ, o cogo tun ma ben ni Matigi Ala ta sariya ye. Ayiwa, olugu ta saya kɔ fe, Matigi Ala kumana Musa fe.

² Matigi Ala k'a fɔ Musa ye ko: «A fɔ i kɔɔce Haruna ye ko a kana to ka don tuma bee yɔɔ saninmanba* kɔɔ, boncetigefani kɔ fe, jenɔɔɔnya kesu* ni a datugunan be yɔɔ min na, ni o te, a bena sa; sabu ne be ne yere yira aw ra sankaba jamijan ra o kesu datugunan le kunna. ³ Haruna ka kan ka don ne ta yɔɔ saninman kɔɔ cogo min na, o ye nin ye: a ka kan ka misitoran kapaman kelen mina ka o ke a yere ta jurumunyafa saraka ye, ka sagajigi kelen ke a yere ta saraka jenita ye. ⁴ A be a ta lenfaniw don a yere ra, minw ye forokiyasurun ye, ani a kurusi, k'a yere cesiri ni a cesirinan ye, ka jalamugu fugula gbeman biri a kun na. A be a yere ko fɔlɔ, ka sɔɔ ka o fani saninmanw don a yere ra. ⁵ A ka kan ka bakɔɔnin fla mina Izirayeli jama fana fe ka o ke o ta jurumunyafa saraka ye, ani sagajigi kelen, ka o ke o ta saraka jenita ye. ⁶ Haruna ye a ta misitoran mina k'a ke saraka ye, k'a yere ta jurumun, ani a ta somɔɔw ta jurumun kafari. ⁷ O kɔ, a ye bakɔɔnin fla mina ka na ni o ye Matigi Ala na kɔɔ, Nɔɔɔnkunben fanibon* donda ra. ⁸ A ye kara la*, janko k'a lɔn o bakɔɔnin fla ra, juman le be ke Matigi Ala ta ye, ani juman le be bla ka taga kongo kɔɔf.

⁹ «Ni bakɔɔnin min ka ke Matigi Ala ta ye, Haruna bena o mina ka o faga k'a ke jama ta jurumunyafa saraka ye. ¹⁰ Bakɔɔnin min kera bakɔɔnin blata ye, a bena o panaman mina k'a lɔ Matigi Ala na kɔɔ, ka jurumun kafari ni a ye, k'a gben ka taga kongo kɔɔ, k'a ke bakɔɔnin blata ye.

¹¹ «Ayiwa, ni o kera, Haruna be a ta misitoran mina, ka o ke k'a yere ta jurumun ni a ta somɔɔw ta jurumun kafari; a ye o misitoran kannatige. ¹² O kɔ, a ye wusunandaga dɔ ta, ka takami dɔ ce wusunanjefen kan, Matigi Ala na kɔɔ, ka o ke wusunandaga kɔɔ, ka wusunanmugu boro na fla ke minan dɔ kɔɔ, ka taga ni o bee ye boncetigefani kɔ fe yɔɔ saninmanba* kɔɔ. ¹³ Ni a donna yi, a ye wusunan ke takami kan Matigi Ala na kɔɔ, janko wusunan sisi ye wuri ka ke jenɔɔɔnya kesu datugunan kan k'a datugu. Ni o kera, Haruna tena sa. ¹⁴ A bena misitoran jori dɔ ta, ka taga o seriseri ni a borokanden ye kesu datugunan nafeyɔɔ kan, a terebɔyanfan na; a ye a borokanden su jori ra tuun k'a seriseri kesu datugunan na fe sijaga wolonfla.

¹⁵ «O kɔ, a be Izirayeli jama ta bakɔɔnin mina ka o kannatige, ka o ke o ta jurumunyafa saraka ye. A ye taga ni o jori ye boncetigefani kɔ fe. A k'a ke cogo min ni misitoran jori ye, a ye a ke o cogo kelen na. A ye jori dɔ seriseri kesu datugunan kan, ka dɔ seriseri a na fe.

¹⁶ «O cogo ra, Izirayelimɔɔw ka Ala ta yɔɔ saninmanba lanɔɔ ni o ta kanminabariyaw, ani o ta hakekow, ani o ta jurumun minw bee ye, Haruna be o bee kafari. A be fanibon yɔɔ tɔ bee fana ta ke o cogo ra, sabu o fanibon be o mɔɔ saninyabariw le ce ra.

¹⁷ «Ni Haruna be don yɔɔ saninmanba kɔɔ ka taga jurumun kafari wagati min na, mɔɔ si man kan ka ke fanibon kɔɔ o wagati ra, fɔ ka taga a bɔ. A be jurumun kafari ke a yere ni a ta somɔɔw ye, ani Izirayelimɔɔw jama bee lajennin ye. ¹⁸ Ni a bɔra, a ye taga sarakajenifen kɔɔ Matigi Ala na kɔɔ, ka taga jurumun kafari ke sarakajenifen kan. A ye misitoran ni bakɔɔnin jori dɔ mun sarakajenifen gbanw bee ra. ¹⁹ A be jori seriseri sarakajenifen kan ni a borokanden ye, sijaga wolonfla, k'a saninya Izirayelimɔɔw ta hakekow ma, k'a bla danna ne ye.

²⁰ «Ayiwa, ni Haruna ka jurumun kafari ka ban, ka yɔɔ saninmanba ni Nɔɔɔnkunben fanibon ni sarakajenifen saninya, o tuma bakɔɔnin min be gben ka taga kongo kɔɔ, a ye o mina ka na. ²¹ Haruna ye a boro fla la o bakɔɔnin kun na; Izirayelimɔɔw ka terenbariyako minw bee ke, ani o ta hakekow, ani o ta jurumunw, Haruna ye o bee fɔ ka o kunko la bakɔɔnin kan. A be o jurumunw bee kunko la bakɔɔnin kunna;

^f16.8 Bakɔɔnin min be bla ka taga kongo kɔɔ: Heburukan na, a sebera ko Hazazeli; o kɔɔ ye ko bakɔɔnin min be bla ka taga.

o kɔ, a be mɔgɔ dɔ bla a ye o bakɔɔnɔn gben ka taga kongokolon kɔnɔ. ²²O be o bakɔɔnɔn gben ka taga kongokolon kɔnɔ; ni o kera, bakɔɔnɔn be taga ni o ta jurumunw be ye kongo kɔnɔ.

²³«O kɔ, Haruna be don Nɔgɔnkunben fanibon kɔnɔ. A tun ka lenfani minw don, ka don yɔɔ saninman* kɔnɔ, a be o bɔ ka o bla yɔɔ saninman kɔnɔ yi. ²⁴A ye a yere ko ni ji ye yɔɔ saninman dɔ ra, ka sɔɔ k'a ta faniw don. O kɔ, a ye bɔ ka na a ta saraka jenita ni jama ta saraka jenita jeni. A ye a yere ta jurumun ni jama ta jurumun kafari. ²⁵Began min kera jurumunyafa saraka ye, a be o turu fana jeni sarakajenifen kan.

²⁶«Mɔgɔ min ka bakɔɔnɔn gben ka taga kongo kɔnɔ, o tigi ka kan k'a ta faniw ko, k'a yere ko fana, ka sɔɔ ka don dugu kɔnɔ.

²⁷«Misitoran ni bakɔɔnɔn min kera jurumunyafa saraka ye, o donna ni minw jori ye yɔɔ saninmanba kɔnɔ ka jurumun kafari, o ka kan ka taga ni olugu ye fanibonw kɔ fe, ka taga o gbolo ni o sogo ni o bo be jeni.

²⁸Ni mɔgɔ min ka o jeni, o tigi ka kan k'a ta faniw ko, k'a yere ko ji ra; o kɔ, a be sɔɔ ka don dugu kɔnɔ.

²⁹«Ayiwa, nin ye sariya wuribari le ye aw fe. San karo wolonflanan, o karo tere tan, aw ka kan ka aw yere majigi Ala na kɔɔ; aw man kan ka baara si ke o lon na, aw Izirayelimɔgɔw, ani lonan minw siginin be aw fe. ³⁰Sabu o lon le ra aw ta jurumunw be kafari, ka aw saninya. Ni o kera, aw bena saninya ka bɔ aw ta jurumunw be ra Matigi Ala na kɔɔ. ³¹Aw man kan ka foyi ke o lon na; aw ka kan ka nenekiri, ka aw yere majigi Ala na kɔɔ. O ye sariya wuribari le ye.

³²«Ayiwa, turu saninman* kera sarakalasebaga min kan k'a saninya, k'a sigi sarakalasebagaya ra a face nɔ ra, ale le be jurumunw kafari; a ka kan ka lenfaniw le don, fani saninmanw. ³³A bena jurumun kafari ke, ka yɔɔ saninmanba saninya, ka Nɔgɔnkunben fanibon ni sarakajenifen saninya, ka sarakalasebagaw ni jama be lajennin saninya.

³⁴«Nin sariya ye sariya wuribari le ye aw fe. Aw ka kan ka Izirayelimɔgɔw ta jurumunw be kafari o ye sipaga kelen san o san.»

Ayiwa, Matigi Ala tun ka fen o fen fɔ Musa ye, Haruna ka o be ke.

Saninyari ko ta sariyaw

Began fagayɔɔ ta sariya

17 ¹Matigi Ala kumana Musa fe k'a fɔ a ye ko: ²«A fɔ sarakalasebagaw ye, Haruna ni a dencew, ani Izirayelimɔgɔw be ye, ko: ³Matigi Ala ka min fɔ o le nin ye: «Ni Izirayelimɔgɔ dɔ ka misi, walama saga, walama ba faga dugu kɔnɔ, walama so kɔ fe, ⁴ni a ma na ni a ye Nɔgɔnkunben fanibon* na fe ka na a faga o yɔɔ ra, k'a ke saraka ye Matigi Ala na kɔɔ fanibon donda ra, o hake be to o tigi kunna, sabu a kera i n'a fɔ a ka mɔgɔ le faga. O tigi ka kan ka faran ka bɔ Izirayeli jamanadenw na. ⁵O kun ye janko Izirayelimɔgɔw kana o ta beganw faga kongo kɔnɔ o yere ma yi; o ye na ni a ye sarakalasebaga fe Matigi Ala na kɔɔ, Nɔgɔnkunben fanibon donda ra, ka na a ke ninsɔndiya saraka ye k'a di Matigi Ala ma. ⁶Ni o ka o began faga, sarakalasebaga be a jori seriseri Matigi Ala ta sarakajenifen kan, Nɔgɔnkunben fanibon donda ra. A be a turu jeni sarakajenifen kan. O be ke saraka ye min kasa ka di Matigi Ala ye. ⁷O ra, Izirayelimɔgɔw si man kan ka taga o ta beganw faga kongo kɔnɔ tuun ka saraka bɔ bakɔɔnɔn jinaw ye, ka jen ni o jinaw ye ka jurumun ke. Nin sariya ye sariya wuribari le ye Izirayelimɔgɔw ni o ta durujaw be fe.»

⁸«O kosɔn i ye a fɔ o ye ko ni Izirayelimɔgɔ dɔ, walama lonan minw siginin be o fe, ni o dɔ ka saraka jenita dɔ bɔ, walama saraka suguya were, ⁹ni a ma na ni a ye Nɔgɔnkunben fanibon donda ra, ka na o saraka bɔ Matigi Ala ye, o tigi ka kan ka faran ka bɔ a ta jamana mɔgɔw ce ra.»

Izirayelimɔgɔw man kan ka jori domu

¹⁰«Ni Izirayelimɔgɔ dɔ, walama lonan minw siginin be o fe, ni o dɔ ka began dɔ jori domu, ni a kera began o began jori ye, ne Ala bena wuri o tigi kama, k'a faran ka bɔ a ta jamana mɔgɔw ce ra; ¹¹sabu fenpanaman be nin be a jori le ra. O kosɔn Matigi Ala k'a fɔ ko aw ta beganw be jori ye ke sarakajenifen kan, janko ka aw ta jurumun kafari. Nin min be jori ra, o le b'a to jori be ke ka jurumun kafari. ¹²O le kosɔn ne k'a fɔ Izirayelimɔgɔw ye ko: «Aw si man kan ka jori domu. Hali lonan minw be o fe, o si man kan ka jori domu.»

¹³«Ni Izirayelimɔgɔ dɔ, walama lonan minw be o fe, ni o dɔ ka kongosogo walama kɔnɔ dɔ mina kongo ra, min be domu, a ka kan ka a jori bɔn dugu ma ka a datugu ni buguri ye. ¹⁴Sabu fenpanaman be nin ye a jori le ye, jori min b'a ra. O kosɔn ne k'a fɔ Izirayelimɔgɔw ye ko: «Aw kana fenpanaman si jori domu; sabu fenpanaman be nin ye a jori le ye. Mɔgɔ o mɔgɔ k'a domu, o tigi be faran ka bɔ Izirayelimɔgɔw ce ra.»

¹⁵«Ni mɔgɔ o mɔgɔ ka jufasogo, walama wara datɔ domu, ni a kera Izirayelimɔgɔ ye, walama lonan, o tigi ka kan k'a ta faniw ko, k'a yere ko. A saninyabari be to fɔ ka taga wula se. O kɔ fe, a be sɔɔ ka saninya. ¹⁶Ni a ma a ta faniw ko, k'a yere ko, o hake bena bɔ a tigi ra.»

Jen minw ma daga ce ni muso ce

18¹ Matigi Ala kumana Musa fe k'a fɔ a ye ko: ² «Kuma Izirayelimɔɔw fe, k'a fɔ o ye ko: «Ne le ye Matigi Ala ye, aw ta Ala. ³ Aw tun be Misiran jamana ra tuma min na aw ka ko minw ye olugu fe, aw kana o ladegi. Ne be tagara ni aw ye Kanaana jamana min na fana, aw kana taga o jamana mɔɔw ta koketaw ladegi. Aw man kan ka o ta landaw ta. ⁴ Aw ka kan ka ne ta cifɔninw le ke, ka ne ta sariyaw sira tagama; sabu ne le ye Matigi Ala ye, aw ta Ala.

⁵ « Aw ye ne ta sariyaw ni ne ta cifɔninw sira tagama. Ni mɔɔɔ min ka o sariyaw sira tagama, o tigi bɛna kisi o le sababu ra; sabu ne le ye Matigi Ala ye.

⁶ « Ayiwa, aw ra ce si man kan ka gbara muso dɔ ra, ka jen ni a ye, k'a sɔɔ a ni o muso beɛ ye gbakelenmɔɔw ye. Ne le ye Matigi Ala ye, aw ta Ala.

⁷ « I man kan ka jen ni i bamuso ye k'a lebu; sabu i bamuso lo. I man kan ka jen ni a ye, ka i face lebu.

⁸ « I man kan ka jen ni i face ta muso dɔ ye fana, ka i face lebu.

⁹ « I man kan ka jen ni i balemamuso ye; ni aw beɛ kera fa kelen ni ba kelen o, walama ni aw kera fa kelen na, nka aw te ba kelen na o, walama ni aw kera ba kelen na, nka aw te fa kelen na o, ni aw worora lu kelen kɔɔ o, walama ni aw ma woro lu kelen kɔɔ o, i man kan ka jen ni a ye.

¹⁰ « I man kan ka jen ni i mamaden si ye, ka i yere lebu.

¹¹ « I man kan ka jen ni i face ta muso dɔ ta denmuso ye, sabu i balemamuso lo.

¹² « I man kan ka jen ni i face kɔɔmuso, walama ni a dɔɔmuso dɔ ye, sabu i tenenmuso lo.

¹³ « I man kan ka jen ni i bamuso kɔɔmuso walama a dɔɔmuso ye, sabu i tenenmuso lo.

¹⁴ « I man kan ka i face balemace lebu, ka jen ni a muso ye, sabu i tenenmuso lo.

¹⁵ « I man kan ka jen ni i buranmuso ye, sabu i dence muso lo. I man kan ka jen ni a ye.

¹⁶ « I man kan ka jen ni i balemace muso ye, ka i balemace lebu.

¹⁷ « I man kan ka jen ni muso dɔ ye, ka sekɔ ka jen ni a denmuso fana ye. I jenna ni muso min ye, i man kan ka jen ni o muso mamaden si ye; sabu olugu ni o muso beɛ ye gbakelenmɔɔw le ye. Ni mɔɔɔ min ka o ke, o tigi ka kojuguba le ke.

¹⁸ « I man kan ka i muso dɔɔmuso furu, ka jen ni a ye, k'a i muso to si ra, ka celiya don o ni jɔɔɔn ce.

¹⁹ « I man kan ka gbara muso si ra ka jen ni a ye, k'a sɔɔ a be a ta landa ra, sabu a saninyabari lo.

²⁰ « I man kan ka i mɔɔɔjɔɔɔn ta muso jini, ka jen ni a ye, ka i yere lanɔɔ ni a ye.

²¹ « I kana sɔn ka i den si di o ye a don tasuma ra, k'a ke saraka ye ka Molɔki ta jo sɔn ni a ye. I man kan ka i ta Ala tɔɔ cɛn o cogo ra, sabu ne le ye Matigi Ala ye.

²² « I man kan ka jen ni i cɛɔɔɔɔn ye i n'a fɔ ce be jen ni muso ye cogo min na; o ye ko haramunin le ye.

²³ « I man kan ka jen ni began ye, ka i yere lanɔɔ. Muso fana man kan k'a yere di began ma, a ye jen ni a ye. O ye kokolonba le ye.

²⁴ « Ayiwa, aw kana aw yere lanɔɔ ni nin kow si ye, sabu ne bɛna siya minw gben ka bɔ aw ja, olugu tun ka o yere lanɔɔ ni nin kow beɛ le ye. ²⁵ O k'a ke ten ka jamana beɛ lanɔɔ. O kosɔn ne bɛna o hake bɔ o ra, k'a to o ta jamana ye o beɛ fɔɔɔ.

²⁶ « O ra aw ka kan ka ne ta cifɔninw, ani ne ta kolatigeninw beɛ sira tagama. Aw Izirayelimɔɔw, walama lonan minw be aw ce ra, aw si man kan ka nin ko haramuninw jɔɔɔn dɔ ke; ²⁷ sabu mɔɔɔ minw sigira jamana ra ka kɔn aw ja, olugu ka nin ko haramuninw jɔɔɔn le ke, ka jamana beɛ lanɔɔ. ²⁸ Ni aw ka o kow jɔɔɔn ke, ka jamana lanɔɔ, jamana bɛna aw fana fɔɔɔ, i n'a fɔ minw tun sigira jamana ra aw ja, jamana ka olugu fɔɔɔ cogo min na.

²⁹ « Aw ra ni min o min ka nin ko haramunin jɔɔɔn dɔ ke, ne bɛna o tigi faran ka bɔ a ta jamana mɔɔɔw ce ra.

³⁰ « Ayiwa, aw ka kan ka ne ta koketaw sira le tagama. Nin ko haramunin minw tun be kera jamana kɔɔ ka sɔɔ aw ma se yi ban, aw man kan ka o kow si ladegi ka aw yere lanɔɔ, sabu ne le ye Matigi Ala ye, aw ta Ala.» »

Sariya were minw fɔra Izirayelimɔɔw ye

Izirayelimɔɔw ka kan ka saninya

19¹ Ayiwa, Matigi Ala kumana Musa fe k'a fɔ a ye ko: ² «Kuma Izirayelimɔɔw beɛ lajennin fe k'a fɔ o ye ko: «Aw ka kan ka saninya, sabu ne saninyanin lo, ne Matigi Ala, aw ta Ala.

³ « Aw beɛ ye aw fa ni aw ba bonya. Ne ka Nenekirilon min sigi, aw ka kan ka o jate fana, sabu ne le ye Matigi Ala ye, aw ta Ala.

⁴ « Aw kana jabo batofen gbansanw fe ka o bato. Aw kana nege yeele ka o ke batofen dɔ ye k'a bato; sabu ne le ye Matigi Ala ye, aw ta Ala.» »

Sarakaw ta sariya

⁵ «Ni aw b'a fe ka ninsɔndiya saraka bɔ ne ye, aw y'a ke ka kaɲa ni a kecogo ye, janko ne ye aw ta saraka mina. ⁶ Aw be o saraka di ne ma lon min na, a sogo ka kan ka domu k'a ban o lon yere ra. Ni a tɔ ka si, aw ye o domu o dugusagbe. Nka ni a tɔ belen ka to a dugusagbe flanan, aw ye o jeni tasuma ra k'a ban. ⁷ Ni mɔgɔ o mɔgɔ ka sarakasogo domu ka taga se fɔ tere saba, o tigi ta saraka te mina, sabu a sogo kera fen haramunin ye. ⁸ Ni mɔgɔ o mɔgɔ ka o sogo domu, o hake be o tigi kan; sabu o saraka min dira ne ma, a ma o jate fen saninman ye. O tigi ka kan ka faran ka bɔ Izirayeli jamanadenw na.» »

Simantige ta sariya

⁹ «Ayiwa, ni aw nana ke aw ta simanw kan ye aw ta jamana ra tuma min na, aw ye foro kerɛfeyɔrɔ ta simanw to yi, aw kana o kan. Siman minw fana kanbari tora, walama minw benbenna, aw kana sekɔ ka taga olugu kan tuun. ¹⁰ Ni aw be aw ta rezɛnmɔ fana bɔ, minw tora tigebari ye, walama minw benbenna, aw kana sekɔ ka taga olugu tɔmɔ. Aw ye o to fagantanw ni lonanw ye; sabu ne le ye Matigi Ala ye, aw ta Ala.» »

Mɔgɔɲɔgɔn kanuya ta sariya

¹¹ «Aw kana sonyari ke; aw kana faninya tige, walama ka aw mɔgɔɲɔgɔn janfa. ¹² Aw kana kari gbansan faninya kan ni ne tɔgɔ ye, ka ne tɔgɔ cɛn, sabu ne le Matigi Ala ye.

¹³ «Mɔgɔ kana a mɔgɔɲɔgɔn tɔɲɔ. I kana i mɔgɔɲɔgɔn borofɛn bɔsi a ra. I ta baaraden sara kana si i boro. ¹⁴ I kana torogberɛn neni. I kana fen bla fiyɛntɔ ɲa, k'a to a ye talon a ra. I ka kan ka siran Ala ɲa, sabu ne le ye Matigi Ala ye, aw ta Ala.

¹⁵ «Ni i be kiti tige, i ye a tige terenninya kan. I kana jo di fagantan ma a ta fagantanya kosɔn, i fana kana kiti diya fagama ra a ta fagamaya kosɔn. Ni i be i mɔgɔɲɔgɔn ta kiti tige, i ye a ke can le kan. ¹⁶ I kana yaala ka nafiya ke mɔgɔw ce ra. I kana seereyajugu fɔ i mɔgɔɲɔgɔn ta ko ra min be se ka ke a fagasababu ye; ne le ye Matigi Ala ye.

¹⁷ «I kana i balema kɔninya i jusukun na gbansan. Ni a ka ko dɔ le ke min man ɲi, i ye o fɔ a ɲa na k'a gbeleya, janko o kana na i fana jaraki ni a ye. ¹⁸ Ni mɔgɔ dɔ ka ko dɔ ke i ra, i kana a fɔ ko i be a juru sara. Ni i balema dɔ ka ko dɔ ke i ra min ka i dimi, i kana o ko to i yere kɔnɔ. I ka kan ka i mɔgɔɲɔgɔn kanu i ko i yere, sabu ne le ye Matigi Ala ye.» »

Fɛn minw te suguya kelen ye

¹⁹ «Ayiwa, aw ka kan ka ne ta sariyaw sira tagama. Aw ta bɛgan minw te bɛgan suguya kelen ye, aw kana a to olugu ye jen. Siman minw fana te siman suguya kelen ye, aw kana olugu dan foro kelen kɔnɔ. Fani minw te fani suguya kelen ye, aw kana o karan ɲɔgɔn na ka o don.» »

Jɔnmuso maminanin ta sariya

²⁰ «Ni ce dɔ ka jɔnmuso dɔ mamina, k'a sɔrɔ a m'a kunmabɔ, jɔnmuso matigice fana m'a labla, ni ce were nana jen ni o muso ye, o tigi ka kan ka warida dɔ sara. Nka o man kan ka o faga, sabu jɔnmuso tun ma kunmabɔ, a tun te a yere ta ye fana. ²¹ O ce ye na ni sagajigi kelen ye ɲɔgɔnkunben fanibon* donda ra, a ta hake kosɔn, ka na o di Matigi Ala ma hakebɔ saraka ye a ta hake kosɔn. ²² Sarakalasebaga bɛna a ta jurumun kafari ni o hakebɔ saraka ye Matigi Ala ɲa kɔrɔ. Ce ta jurumun bɛna yafa a ma.» »

Yiridenw ta sariya

²³ «Ayiwa, ni aw tagara se Kanaana jamana ra tuma min na, ni aw ka yiri suguya caman turu, minw be den, aw ka kan ka o yiriw denw jate i n'a fɔ yiriden saninyabariw, fɔ san saba; fɔ ka taga o san saba dafa, aw man kan ka o yiridenw domu. ²⁴ A san naaninan, o yiriw bɛna den minw ke, o denw bɛɛ bɛna bla danna ne ye; aw bɛna ɲanagbe dɔ ke o yiridenw ko ra, ka ne bonya. ²⁵ A san loorunan le ra, aw be se ka o yiridenw domu. O cogo ra, aw ta yiriw bɛna den caman ke aw ye san o san. Ne le ye Matigi Ala ye, aw ta Ala.» »

Lagberi ni josɔn ta sariya

²⁶ «Aw kana jufasogo domu. Aw kana subagaya ke, aw kana lagberi ke. ²⁷ Aw kana aw kun li, ka si dɔ to aw kun cɛmance ra. Aw kana aw bonbosi kerɛfeyɔrɔw dama li. ²⁸ Ni mɔgɔ ka sa aw fe, aw kana aw fari cici ni muru ye ko mɔgɔ sara aw fe. Aw kana aw fari ɲɛgenɲɛgen. Ne le ye Matigi Ala ye.

²⁹ «Aw kana jen siri ni josɔnbagaw ye ka aw denmusow bla jatɔya ra ni o ye, ka o lebu; ni o te, jamana bɛɛ bɛna na ɲabɔ o jow fe, ka kojugu caya jamana kɔnɔ. ³⁰ Ne ka Nenekirilon* minw fɔ aw ye, aw ka kan ka o lonw jate; aw ka kan ka bonya la ne ta batoyɔrɔ saninman kan fana. Ne le ye Matigi Ala ye.

³¹ «Minw b'a fɔ ko o be kuma ni suw ye, ka lagberi ke, aw kana taga olugu fe ko aw be taga lagberi ke. Ni aw ka o ke, aw bɛna aw yere lanɔgɔ. Ne le ye Matigi Ala ye, aw ta Ala.» »

Məgəkərəbaw ni lonanw ta sariya

³² «Aw ye wuri ka lə məgəkərəba kunsigibetigi ja kərə; aw ye məgəkərəba bonya kosebe. Aw ye siran aw ta Ala ja; ne le ye Matigi Ala ye.

³³ «Ni lonan də ka na sigi aw ta jamana ra, aw kana a jənyamina. ³⁴ Aw ye lonanw minako ja, k'a ke i n'a fə aw yerə də lo. Aw ye o kanu k'a ke i n'a fə o ye aw də le ye, sabu aw fana tun ye lonanw le ye Misiran jamana ra. Ne le ye Matigi Ala ye, aw ta Ala.» »

Jago ta sariya

³⁵ «Aw kana məgə təkə jago ra. Ni aw be fiyeere ke, ni aw be fen suma, aw kana də bə a metereda ra, walama a kiloda ra, walama a litirida ra. ³⁶ Aw y'a to aw ta sumanikenan ye ben, a kiloda ye dafa; aw kana də bə aw ta sumanikeminanw na fana. Ne le Matigi Ala ye, aw ta Ala, min ka aw labə Misiran jamana ra.

³⁷ «Aw ye ne ta sariyaw ani ne ta cifəninw be ke, ka tagama ka kapa ni o ye, sabu ne le ye Matigi Ala ye.» »

Josən ni lagberi ta kiti

20 ¹ Matigi Ala kumana Musa fe k'a fə a ye ko: ² «Kuma Izirayeliməgəw fe, i ye a fə o ye ko: «Ni Izirayeliməgəw də, walama lonan minw be ni aw ye, ni o də k'a den di, k'a ke ka Moləki ta jo sən, o tigi ka kan ka faga. Məgəw ye jen k'a bon ni kabakuru ye k'a faga. ³ Ne bəna wuri o tigi kama, k'a faran ka bə Izirayeliməgəw ra, sabu a k'a den də di, ka Moləki ta jo sən ni a ye minke, a ka ne ta yərə saninman* le lanəgə, ka ne təgə saninman cən. ⁴ Ayiwa, aw jamana məgəw, ni aw ka aw ja tugu o ko jəgən kan, ni aw ma sən k'a tigi faga, ⁵ ne yerə le bəna juguya a ma kosebe, ale ni a ta gba be, ka o faran ka bə o ta jamana məgəw ce ra, ani minw be be jen ni o məgəw ye, ka Moləki ta jo sən.

⁶ «Minw b'a fə ko o be kuma ni suw ye, ka lagberi ke, ni məgəw o məgəw ka taga olugu də fe, ne bəna wuri o tigi kama kosebe, k'a faran ka bə a ta jamana məgəw ce ra.» »

Jen minw ma daga ce ni muso ce

⁷ «Aw ye aw yerə saninya ka ke məgə saninmanw ye, sabu ne le ye Matigi Ala ye, aw ta Ala.

⁸ «Aw ye jija ka ne ta sariyaw sira tagama, sabu ne le ye Matigi Ala ye, min be aw saninya.

⁹ «Ni məgəw o məgəw ka kumajugu fə a face walama a bamuso ma, o tigi ka kan ka faga. A fagari kunko bəna ben a yerə le kan, sabu a ka kumajugu fə a face walama a bamuso ma.

¹⁰ «Ni ce min ka jen ni a məgəjəgən muso ye, o ce ni o muso be ke kan ka faga.

¹¹ «Ni ce min ka jen ni a face muso ye, k'a face lebu, o ce ni o muso be ke kan ka faga; o fagari kunko bəna ben o yerə le kan.

¹² «Ni ce min ka jen ni a dence muso ye, o ce ni o muso be ke kan ka faga, sabu o ka kojagamininba le ke. O fagari kunko bəna ben o yerə le kan.

¹³ «Ni ce fla ka jen i n'a fə ce be jen ni muso ye cogo min na, o ka ko haramunin le ke. O ka kan ka o faga. O fagari kunko bəna ben o yerə le kan fana.

¹⁴ «Ni ce də ka muso də ta, ka sərə ka o muso denmuso fana ta tuun, o ye kojuguba le ye. O ka kan ka o saba be jeni, janko o kojugu jəgən kana ye aw ce ra.

¹⁵ «Ni ce min ka jen ni began ye, o ce ka kan ka faga; o ka kan ka began fana faga.

¹⁶ «Ni muso min fana k'a yerə di began də ma ka jen ni a ye, o ka kan ka o muso ni o began be faga. Ni o fagara, o fagari kunko bəna ben o yerə le kan.

¹⁷ «Ni ce min k'a balemamusu ta, fakelenden, walama bakelenden, ka jen ni a ye, ka jəgən lebu, o ye maroyakoba le ye. Olugu ka kan ka faran ka bə Izirayeli jamanadenw na o balema təw be ja na. O ce jenna ni a balemamusu ye minke, o hake ka kan ka ben a kan.

¹⁸ «Ni ce min ka jen ni muso də ye ka o muso to landa ra, o fla be ke kan ka faran ka bə o ta jamana məgəw ce ra, sabu o ka o yerə lanəgə jori ra, ka ne ta sariya cən.

¹⁹ «I man kan ka jen ni i bamuso balemamusu ye, walama i face balemamusu, sabu i tenenmuso lo. Ni məgəw min ka o ke, o hake bəna ben o tigi yerə kan.

²⁰ «Ni ce min ka jen ni a bənəgəce ta muso ye, k'a bənəgəce lebu, o hake bəna ben o ce ni o muso kan. O tənə den sərə fə ka taga o sa.

²¹ «Ni ce min k'a balemace muso ta, o ye ko nəgənin le ye. O tənə den sərə, sabu o ce k'a balemace lebu.» »

Izirayeliməgəw ka kan ka saninya

²² «Aw ye ne ta sariyaw ni ne ta cifəninw be ke, k'a sira tagama; ni o kəra, ne be tagara ni aw ye jamana min na, o jamana tənə aw fəcə. ²³ Ne bəna siya minw gben ka bə aw ja fe, aw kana olugu ta landaw ta, sabu o siyaw ka nin kojuguw be le ke, fə k'a to ne ka o haramuya. ²⁴ O le kosən, ne k'a fə aw ye ko o jamana

bena ke aw le ta ye. Ne bena o jamana di aw ma, kɔkɔ ni li be woyo o jamana min na; sabu ne le ye Matigi Ala ye, aw ta Ala. Ne le ka aw janawoloma ka bɔ siya tɔw ce ra.

²⁵ «O kosɔn sogo saninyaninw ni sogo saninyabariw, ani kɔkɔ saninyaninw ni kɔkɔ saninyabariw, aw ka kan ka olugu lɔn ka bɔ jɔɔn na, janko aw kana aw yere lanɔɔ ni o fen saninyabariw si ye; aw kana aw yere lanɔɔ ni o sogow ye, walama o kɔkɔw, walama o fenjanaman minw be fofo o kɔkɔbara kan dugu ma. Ne ka o fenw yira aw ra, janko aw ye a lɔn ko o saninyanin te.

²⁶ «Aw ye aw yere bla danna ka saninya ne ye, sabu ne Matigi Ala, ne saninyanin lo. Ne ka aw janawoloma ka bɔ siya tɔw ce ra, janko aw ye ke ne ta mɔɔw ye.

²⁷ «Cew ni muso minw b'a fɔ ko o be kuma ni suw ye, ka lagberi ke, aw ka kan ka olugu faga. Aw ye o bon ni kabakuru ye ka o faga. O ta fagari kunko bena ben o yere le kan.»

Sariya min be sarakalasebagaw kan

21 ¹ Matigi Ala k'a fɔ Musa ye ko: «Kuma sarakalasebagaw fe, minw ye Haruna dencew ye, i ye a fɔ o ye, ko ni sarakalasebaga dɔ ta mɔɔ sara, a man kan ka gbara o su ra k'a yere lanɔɔ, ² fɔ ni a kera a yere ta somɔɔ dɔ ye, a bamuso, walama a face, walama a ta den, walama a kɔrɔce walama a dɔɔce. ³ Ni a balemamuso dɔ lo, min sunguruman lo, ni o tun be jɔɔn fe so kɔkɔ, a be se ka gbara ale fana su ra k'a yere lanɔɔ, sabu a balemamuso ma furu.

⁴ «Sarakalasebaga ye Izirayelimɔɔw jɔmɔɔ le ye, a ta sarakalasebagaya kosɔn. O ra, a man kan k'a yere lanɔɔ, k'a yere lebu.

⁵ «Sarakalasebaga man kan k'a kun yɔrɔ dɔw li, walama k'a bonbosi kerefeɔrɔw li, walama k'a yere fari yɔrɔ dɔw tigtige ni muru ye. ⁶ A ka kan ka saninya le, ka bla danna Ala ye; a man kan ka ne Ala tɔɔ cen, sabu ale le be siman sarakaw jeni tasma ra Matigi Ala ye, min ye o ta Ala ta saraka ye. O kosɔn a ka kan ka ke mɔɔ saninman le ye.

⁷ «Sarakalasebaga man kan ka jatɔmuso furu, walama ce dɔ ka muso min nege ka jen ni a ye, walama muso furusanin dɔ, sabu sarakalasebaga blara danna ka saninya ka ke Matigi Ala ta le ye.

⁸ «Izirayelimɔɔw bee ka kan ka sarakalasebagaw jate mɔɔ saninmanw ye, sabu olugu le be aw ta Ala ta sarakaw lase. Aw ye o jate mɔɔ saninmanw ye, sabu ne saninyanin lo, ne Matigi Ala min ka aw saninya.

⁹ «Ni sarakalasebaga dɔ denmuso ka jen ni josɔnbagaw ye k'a yere bla jatɔya ra ni o ye, k'a yere lebu, a k'a face le lebu. O ka kan k'a jeni.»

Sariya min be sarakalasebagaw kuntigi kan

¹⁰ «Ayiwa, sarakalasebaga min be a balema sarakalasebaga tɔw kunna, turu saninman* kera min kun na k'a saninya, ka sarakalasebagaya faniw don a ra, ale man kan k'a kunsigi jagaminin to, walama k'a ta fani faran, kojugu dɔ kosɔn. ¹¹ A man kan ka gbara su ra k'a yere lanɔɔ, hali ni a face, walama ni a bamuso su lo. ¹² A man kan ka bɔ yɔrɔ saninman* kɔkɔ ka taga sangayɔrɔ ra, janko a kana na Matigi Ala ta yɔrɔ saninman lanɔɔ, sabu turu saninman* kera ale le kun na, k'a saninya k'a bla danna Ala ta baara kama. Ne le ye Matigi Ala ye.

¹³ «Sarakalasebagaw kuntigi ka kan ka sunguru le furu. ¹⁴ Muso ce sanin, walama muso furusanin, walama ce dɔ ka sunguru min nege ka jen ni a ye, walama jatɔmuso, a man kan ka o dɔ furu. A ka kan ka sunguru dɔ le furu a yere ta siyamɔɔw ra, ¹⁵ janko a denw kana ke den saninyabariw ye, ka jagami a ta siyamɔɔw ra; sabu ne le ye Matigi Ala ye, min ka a saninya.»

Sarakalasebaga ka kan ka ke mɔɔ dafanin ye

¹⁶ Ayiwa, Matigi Ala kumana Musa fe k'a fɔ a ye ko: ¹⁷ «A fɔ Haruna ye, ko a ta durujaw ra, ko ni fiyen ka sɔrɔ a dence min o min fari ra, ko o man kan ka gbara ko a be a ta Ala ta saraka lase a ma. ¹⁸ Ni fiyen be mɔɔ o mɔɔ ra, o te se ka gbara ne ta sarakajenifen na ka saraka lase ne ma. O ra, mɔɔ o mɔɔ ye fiyentɔ ye, walama senkelen, walama min pada cogo man ji, walama min sen kelen ka jan ni kelen ye, ¹⁹ walama min sen kelen, walama a boro kelen man ji, ²⁰ walama dantɔ, walama mɔɔ cɔrɔkɔnin, walama nɔ be mɔɔ min paden kan, walama sɔninya be mɔɔ min na, walama ni warawara b'a ra, walama mɔɔ min bɔra ceya ra, o mɔɔw si man kan ka saraka bɔ ne ye. ²¹ Sarakalasebaga Haruna ta gbamɔɔ min o min, ni fiyen be a fari ra, o man kan ka gbara ko a be sarakaw jeni Matigi Ala ye; sabu fiyen be a fari ra. O ra, a daganin te a ye gbara ko a be a ta Ala ta saraka lase. ²² A tigi be se ka Ala ta saraka domu; fen minw saninyara, ani minw saninyara kosebe, a be se ka olugu domu. ²³ Nka a man kan ka gbara yɔrɔ saninman* ta boncetigefani na, walama sarakajenifen na, sabu fiyen be a fari ra. A man kan ka ne ta yɔrɔ saninmanw lanɔɔ, sabu ne le Matigi Ala ye, ne le be o saninya.»

²⁴ Ayiwa, Musa ka nin kumaw le fɔ Haruna ni a dencew ye, ani Izirayelimɔɔw bee ye.

Sarakalasebagaw man kan ka fen saninmanw lanɔɔ

22¹ Matigi Ala kumana Musa fe k'a fɔ a ye ko: ² «A fɔ sarakalasebagaw ye, Haruna ni a dencew, ko Izirayelimɔɔw be saraka minw bɔ ne ye, ko o ye o saraka saninmanw minako ja, janko o kana ne tɔɔ saninman lanɔɔ. Ne le ye Matigi Ala ye. ³ A fɔ o ye ko o ta duruja nataw ra, ko Izirayelimɔɔw be saraka minw bɔ ne ye, ko ni sarakalasebaga min saninyabari ka gbara o fen saninmanw dɔ ra, o tigi ka kan ka bɔ ne ta baara ra. Ne le ye Matigi Ala ye.

⁴ «Bana minw be mɔɔɔ fari cɛn, walama damajalan, ni o dɔ be sarakalasebaga o sarakalasebaga ra, Haruna dencew ra, o tigi man kan ka ne ta saraka saninmanw domu, fɔ ka taga a keneya. Ni sarakalasebaga min ka maga su ra, walama ni lawa be bɔnna min fe, o fana man kan k'a domu; ⁵ walama ni min magara fenpanaman saninyabari dɔ ra, walama mɔɔɔ saninyabari dɔ ra, k'a yere lanɔɔ, o fana man kan k'a domu. ⁶ Ni mɔɔɔ min ka maga o fenw dɔ ra, o tigi saninyabari be to fɔ ka taga wula se; a man kan ka saraka saninmanw domu. O kɔ, a ka kan k'a yere ko. ⁷ Ni tere benna, a be sɔɔɔ ka saninya. O ra, a be se ka saraka saninmanw domu, sabu o domuni ye a ta le ye. ⁸ Sarakalasebaga man kan ka began jufanin domu, walama wara datɔ, janko a kana a yere lanɔɔ. Ne le ye Matigi Ala ye.

⁹ «Sarakalasebagaw ka kan ka ne ta koketaw bee sira tagama; ni o te, ni o ka o ciw bla, o hake bena ben o kan, o be sa; sabu ne le ye Matigi Ala ye, ne le be o fenw saninya.»

Mɔɔɔ minw be se ka sarakasogo domu

¹⁰ «Ni sarakalasebagaw te, mɔɔɔ gbansan man kan ka saraka saninmanw domu. Mɔɔɔ min ye lonan temebaga ye sarakalasebaga ta so, walama min be baaradenya ra a ta so, olugu si man kan k'a domu. ¹¹ Nka ni sarakalasebaga ka jɔn min san, o be se k'a domu; walama jɔn min worora a ta so. Olugu be se ka sarakafen saninmanw domu. ¹² Ni sarakalasebaga denmuso dɔ furura mɔɔɔ gbansan dɔ ma, o muso man kan ka Ala ta saraka saninmanw domu. ¹³ Nka ni sarakalasebaga denmuso min ce sara, walama min ta ce k'a bla, ni den te a fe, ni a be a face ta so i n'a fɔ a sunguruman tuma, ale be se ka saraka saninmanw domu ni a face ye. Ni a bɔra o ra, mɔɔɔ gbansan si man kan k'a domu.

¹⁴ «Ni mɔɔɔ dɔ firira ka saraka saninmanw dɔ domu, o tigi ka kan ka a jɔɔɔn sara sarakalasebaga ye, k'a sɔngɔ taran taranyɔɔ looru, k'a taran kelen fara a kan fana.

¹⁵ «Izirayelimɔɔw ka sarakafen minw bɔ ka o bla danna Matigi Ala ye, sarakalasebagaw man kan k'a to mɔɔɔ gbansanw ye o fenw domu ka o lanɔɔ. ¹⁶ Sabu ni o k'a domu, sarakalasebagaw be jurumun le lase o mɔɔɔw ma, ka o hake ben o kan; ne le ye Matigi Ala ye, ne le be o fenw saninya.»

Saraka minw be se ka di Ala ma

¹⁷ Matigi Ala kumana Musa fe k'a fɔ a ye ko: ¹⁸ «Kuma Haruna ni a dencew fe, ani Izirayelimɔɔw bee, k'a fɔ o ye ko ni Izirayelimɔɔw dɔ, walama lonan minw be Izirayelimɔɔw ce ra, ni o dɔ b'a fe ka saraka jenita bɔ Matigi Ala ye, k'a ta dajuru le sara, walama ni a yere diyanya saraka lo, ¹⁹ a y'a to a ye ke began ceman ye, misi, walama saga, walama ba, fiyen kana ke a ra. Ni o kera, a ta saraka be mina. ²⁰ Fiyen be began min na, aw kana o ke saraka ye; ni o te, o saraka tena mina. ²¹ Ni mɔɔɔ dɔ b'a fe ka ninsɔndiya saraka bɔ k'a di Matigi Ala ma k'a ta dajuru dafa, walama ni a yere diyanya saraka lo, ni a kera misi ye, walama saga, walama ba, a y'a to fiyen si kana ke o began na, nɔ kana ke a ra, janko a ta saraka ye mina. ²² Begin min fiyenna, walama min sen kelen man ji, walama min fari yɔɔ dɔ tigera ka bɔ a ra, walama jori be min fari ra, walama sɔninya, walama warawara, aw man kan ka o dɔ ke saraka ye. Aw man kan ka o dɔ ke saraka ye k'a jeni sarakajenifen kan Matigi Ala ye. ²³ Misi, walama saga min sen kelen ka jan, walama min sen kelen ka surun, aw be se ka o ke aw yere diyanya saraka ye; nka a te se ka ke dajurudafa saraka ye. ²⁴ Begin min kiliw cenna, walama ni a cira, walama ni a bɔra, walama ni a tigera, aw man kan ka o dɔ ke saraka ye k'a di Matigi Ala ma. O began jɔɔɔn man kan ka ke saraka ye aw ta jamana ra. ²⁵ Ni lonan dɔ ka o began jɔɔɔn dɔ di, aw kana sɔn ka o mina ka o ke aw ta Ala ta saraka ye; sabu o beganw fari yɔɔ dɔw tigtigera, walama nɔ dɔ be o ra; o saraka te mina.»

²⁶ Ayiwa, Matigi Ala kumana Musa fe k'a fɔ a ye ko: ²⁷ «Ni misiden, walama sagaden, walama baden worora, o den ka kan ka to ni a ba ye ka tere wolonfla le ke. Ni a ka tere seegi sɔɔɔ, walama ni a temena o kan, o tuma le ra a be se ka ke saraka jenita ye k'a di Matigi Ala ma. ²⁸ Nka aw kana began ni a den faga lon kelen na, ni a kera misi ye, walama saga, walama ba.

²⁹ «Ni aw be pumanlon saraka le bɔ ne ye, aw y'a ke ka kɔna ni a cogo ye, janko Ala ye aw ta saraka mina. ³⁰ Ni aw ka saraka bɔ lon min na, aw ye a sogo bee domu o lon yere le ra. Aw man kan k'a to a tɔ ye si. Ne le ye Matigi Ala ye.

³¹ «Aw ka kan ka sɔn ne ta sariyaw ma ka o sira tagama, sabu ne le ye Matigi Ala ye. ³² Aw kana ne tɔɔ saninman cɛn. Izirayelimɔɔw bee ka kan k'a lon ko ne saninyanin lo. Ne le ye Matigi Ala ye, min be aw saninya. ³³ Ne ka aw labɔ Misiran jamana ra, ka ke aw ta Ala ye. Ne le ye Matigi Ala ye.»

Izirayelimogow ta janagbew

23¹ Matigi Ala kumana Musa fe k'a fo a ye ko: ² «Kuma Izirayelimogow fe, i ye a fo o ye ko aw ka kan ka janagbe minw ke ka Matigi Ala bonya, o ka kan ka ke jamalajenbaw le ye ka Matigi Ala bato. O janagbew fle nin ye.

Nenekirilon janagbe

³ «Aw ye baara ke tere wooro; a tere wolonflanan ye Nenekirilon* le ye. Mogow man kan ka baara ke o lon na. Aw ka kan ka jamalajenba ke o lon na. Aw man kan ka baara foyi ke; ni aw ka ke yoro o yoro, aw ka kan ka o lon bla a danna ka Matigi Ala bonya.»

Jonyaban janagbe ni Burufunubari janagbe

⁴ «Aw ka kan ka janagbe minw fana ke Matigi Ala ye, ka jamalajenba ke ka Matigi Ala bonya, o janagbew wagatiw ye nin ye: ⁵ San karo folo, tere tan ni naani wulada fe, o bena ke Jonyaban janagbe* ye; aw ye o ke ka Matigi Ala bonya. ⁶ Karo tere tan ni looru, o bena ke Burufunubari janagbe* ye; aw be o fana ke ka Matigi Ala bonya. Aw bena burufunubari domu ka se fo tere wolonfla. ⁷ O logokun tere folo, aw be jamalajenba ke ka Matigi Ala bato. Aw ka kan ka aw ta baara tow bee dabra o lon na. ⁸ Aw ye saraka jenitaw bo Matigi Ala ye ka se fo tere wolonfla. A tere wolonflanan, aw bena jamalajenba ke tuun ka Ala bato. Aw ka kan ka aw ta baara tow bee dabra o lon na.»

Siman folo janagbe

⁹ Matigi Ala kumana Musa fe k'a fo a ye ko: ¹⁰ «A fo Izirayelimogow ye ko ne bena jamana min di aw ma, ni aw sera o jamana ra, ni aw nana aw ta simanw tige, aw ye na ni siman kansiri kelen ye sarakalasebaga fe; o ye ke aw ta siman folo tigenin ye. ¹¹ Sarakalasebaga bena o siman kansiri fifa ne ja koro Nenekirilon* dugusagbe, ka o di ne ma saraka ye. Ni o kera, o saraka bena mina. ¹² O siman kansiri bena di saraka ye ne ma lon min na, o lon kelen na, aw ka kan ka sagaden ceman kelen ke saraka jenita ye, min ka san kelen soro, ani fiyen te min na. ¹³ Aw ye mugu tentennin kilo wooro wooro turu ra, ka o fara a kan, ka o jeni, o be ke siman saraka* jenita ye, min jenina tasma ra Matigi Ala ye, min kasa ka di. Aw ye rezenji litiri kelen ni tarance fana ke rezenji saraka ye, ka o bon a kan. ¹⁴ Mogow si man kan ka o simankura do ke buru ye k'a domu, walama k'a yiran k'a pimi, walama k'a kene pimi, fo kansiri folo ye di Matigi Ala ma folo. Nin ye sariya wuribari le ye aw ni aw ta durujaw fe. Ni aw nana taga sigi yoro o yoro, aw ye nin sariya sira tagama.»

Logokunw ta janagbe

¹⁵ «Ayiwa, aw ka siman kansiri folo di sarakalasebaga ma Nenekirilon* min na ko a ye a fifa k'a ke saraka ye, k'a damina o Nenekirilon dugusagbe ra, aw ye logokun wolonfla dafanin jate, ¹⁶ ka taga a bla fo Nenekirilon wolonflanan dugusagbe ra; o be ke tere bilooru. Ayiwa, o lon na, aw ka kan ka siman saraka do were bo ne ye tuun. ¹⁷ Aw bena burukun fla lalaga aw ta sow koro, ka na ni o ye sarakalasebaga fe, janko sarakalasebaga ye o buruw fifa. Aw ka kan ka o buruw bee kelen kelen lalaga ni mugu tentennin kilo wooro ye, ka burufunufen ke a ra. O ye aw ta simankuraw fen folo ye; aw ye o di Matigi Ala ma saraka ye. ¹⁸ Ka fara o buruw kan, aw ye na ni sagaden ceman wolonfla ye, fiyen te minw na, ani minw ka san kelen bo, ani misitoran kapaman kelen, ani sagajigi fla; aw ye o ke saraka jenita ye ka o di Matigi Ala ma. Siman saraka ni rezenji saraka* min ka kan ka bo, aw ye o fana fara a kan; o be ke saraka jenita ye, min kasa ka di Matigi Ala ye. ¹⁹ Aw ye bakoronin kelen ke jurumunyafa saraka ye; ka sagaden fla ke ninsondiya saraka ye, minw ka san kelen soro. ²⁰ Sarakalasebaga bena o sagaden fla sarakaw fifa Matigi Ala ja koro, ani simankura ta buruw, ani sagaden fla. O sarakaw be ke sarakalasebaga ta ye, sabu o blara danna Matigi Ala ye. ²¹ O lon kelen na, aw bena o janagbe ke, ka jamalajenba ke ka Matigi Ala bato. Aw ka kan ka aw ta baara tow bee dabra o lon na. Nin ye sariya wuribari le ye aw ni aw ta durujaw fe; ni aw nana taga sigi yoro o yoro, aw ka kan ka nin sariya sira tagama.

²² «Ni aw nana ke siman tige ye aw ta jamana ra tuma min na, aw ye aw ta foro kerefeyoro ta simanw to yi, aw kana o kan; siman minw fana kanbari tora, walama minw benbenna, aw kana seko ka taga olugu kan tuun. Aw ye o to fagantanw ni lonanw ye; sabu ne le ye Matigi Ala ye, aw ta Ala.»

Burufiye janagbe

²³ Matigi Ala kumana Musa fe k'a fo a ye ko: ²⁴ «A fo Izirayelimogow ye ko san karo wolonflanan, a tere folo, o bena ke Nenekirilon* ye aw fe, ka aw hakiri jigi ne ra. Aw bena burufiye kanw bo jamana yoro bee ra o lon na, ka jamalajenba ke ka ne bato. ²⁵ Aw ka kan ka aw ta baara tow bee dabra o lon na, ka saraka jenitaw bo Matigi Ala ye.»

Jurumun yafalonba nanagbe

²⁶Matigi Ala kumana Musa fe k'a fo a ye ko: ²⁷«O karo wolonflanan tere tan, o le bena ke Jurumun yafalonba ye. Aw bena jamalajenba ke ka Matigi Ala bato, ka aw yere majigi Ala na koro, ka saraka jenitaw bo Matigi Ala ye. ²⁸Aw man kan ka baara si ke o lon na, sabu Jurumun yafalonba lo. Aw ta jurumunw ka kan ka yafa o lon le ra ne na koro, ne Matigi Ala, aw ta Ala. ²⁹Mogo o mogo te a yere majigi o lon na, o tigi ka kan ka faran ka bo Izirayelimogow ce ra. ³⁰Ni mogo o mogo fana ka baara ke o lon na, ne bena o tigi halaki ka bo Izirayelimogow ce ra. ³¹Aw man kan ka baara ke o lon na. Nin ye sariya wuribari le ye aw ni aw ta durujaw bee fe, aw sigiyow bee ra. ³²O lon bena ke Nenekirilon* le ye, i n'a fo logokun tere wolonflanan. Aw ka kan ka aw yere majigi Ala na koro. Aw ye o Nenekirilon bla danna Ala ye, k'a damina karo tere konontonnan wula fe, ka taga a bla fo a tere tannan wula fe.»

Gbatakrosigi nanagbe

³³Matigi Ala kumana Musa fe k'a fo a ye ko: ³⁴«A fo Izirayelimogow ye ko o karo wolonflanan tere tan ni looru, o bena ke Gbatakrosigi nanagbe* ye. Aw bena o nanagbe ke fo tere wolonfla ka Matigi Ala bonya. ³⁵A tere folo, aw bena jamalajenba ke ka Ala bato. Aw ka kan ka aw ta baara tow bee dabra o lon na. ³⁶O tere wolonfla konso, aw bena saraka jenitaw bo ka o di Matigi Ala ma. A tere seeginan, aw bena jamalajenba ke tuun, ka saraka jenitaw bo Matigi Ala ye. Aw bena o jamalajenba ke Matigi Ala ye. Aw ka kan ka aw ta baara tow bee dabra.

³⁷«Ayiwa, nanagbe minw ka kan ka ke ka Matigi Ala bonya, ani jamalajenba minw ka kan ka ke, olugu le ye nin ye. Aw ka kan ka o ke, janko ka sarakaw jeni Matigi Ala ye: saraka jenitaw, ani siman sarakaw, ani ninsondiya sarakaw, ani rezenji sarakaw. Aw ka kan ka o sarakaw bee ke ka kapa ni a cogo ye. ³⁸Nka o sarakaw nin te Nenekirilonw ta sarakaw ra, ani aw be deri ka saraka to minw di Ala ma kakoro, ani aw ta dajurudafa sarakaw, ani aw yere diyanya sarakaw.

³⁹«Ayiwa, o karo wolonflanan tere tan ni loorunan, ni aw ka aw ta jamana simanw tige, aw bena gbatakrosigi nanagbe* ke tere wolonfla, ka Matigi Ala bonya. O nanagbe tere folo bena ke Nenekirilon* ye, a tere seeginan fana be ke Nenekirilon ye. ⁴⁰A tere folo, aw ye yiridennuman dow tigetige, ani tamaro yiriborow, ani yiri flaburumanw, ani jidarayiri misen dow ta yiriborow. Aw ye o mina aw boro, ka to ka o fifa, ka toron ke, ka pagari Matigi Ala na koro, fo tere wolonfla. ⁴¹San o san, aw ka kan ka o nanagbe ke tere wolonfla ka Matigi Ala bonya. O ye sariya wuribari le ye aw ni aw ta durujaw fe. Aw ka kan k'a ke san karo wolonflanan. ⁴²O tere wolonfla bee ra, aw bena ke si ye fanibonw* le konso. Izirayeli jamanadenw bee ka kan ka si fanibonw le konso o lonw na, ⁴³janko aw ta denw y'a lon ko ne ka Izirayelimogow labo Misiran jamana ra tuma min na, ko o tun be sira fanibonw le konso. Ne le ye Matigi Ala ye, aw ta Ala.»

⁴⁴Ayiwa, Izirayelimogow ka kan ka nanagbe minw ke ka Matigi Ala bonya, Musa ka o nanagbew bee yira o ra nin cogo le ra.

Fitinadaga saninlaman manacogo

24 ¹Matigi Ala kumana Musa fe k'a fo a ye ko: ²«A fo Izirayelimogow ye ko o ye na ni oliviye turu yereworo ye, ka na a don fitinadaga saninmanw konso, janko fitinaw mananin ye to wagati bee. ³Boncetigefani min ka jennogonya kesu* dogo, Haruna bena fitinaw laben o fani le na fe Nogonkunben fanibon* konso, janko o fitinaw ye mana wagati bee Matigi Ala na koro, k'a ta wula fe fo ka taga dugu gbe. O ye sariya wuribari le ye aw ni aw ta durujaw fe. ⁴Haruna bena fitinaw bla fitinablanan kan, min lalagara ni sanin yereworo ye, k'a to o ye mana wagati bee Matigi Ala na koro.»

Sarakaburu blacogo

⁵«Aw ye mugu tentennin do ke ka burukun tan ni fla lalaga. Mugu kilo woko le ka kan ka don burukun kelen kelen bee ra. ⁶I bena o buruw blabla nogon kan, k'a ke layoro fla, sanintabali kan, Matigi Ala na koro. Layoro kelen kelen bee ye ke burukun woko woko. ⁷I ye wusunan yereworo do ke o buruw layoro kelen kelen bee kan k'a yira ko o buruw bee ye Matigi Ala ta le ye, i n'a fo saraka min jenina tasuma ra Matigi Ala ye. ⁸Nenekirilon* o Nenekirilon, aw ka kan ka o buruw laben tabali kan Matigi Ala na koro, wagati bee. O ye jennogonya wuribari le ye ne ni Izirayelimogow ce. ⁹O buruw bena ke Haruna ni a dencew ta ye. O ka kan k'a domu yoro saninman* do le ra, sabu o buru saninyanin lo kosebe. Ala ka o di o ma i n'a fo saraka minw jenina tasuma ra Matigi Ala ye, o sarakaw sogo dira o ma cogo min na. Nin fana ye sariya wuribari le ye Izirayelimogow fe.»

Alatogocen ni kojugu saracogo

¹⁰Ayiwa, Izirayelimuso do tun furura Misirankace do ma. Lon do, olugu dence le nana Izirayelimogow ce ra, ka na kere ke ni Izirayelice do ye. ¹¹A ka nenini ke fo ka Ala togo cen. O k'a mina ka taga ni a ye Musa fe.

A bamuso tɔgɔ tun ye ko Selomiti; a bamuso face tɔgɔ tun ye ko Dibiri. O tun be bɔ Dan ta gba le ra. ¹² O k'a mina k'a bla kaso ra, sani o ye kuma dɔ sɔrɔ ka bɔ Matigi Ala fe.

¹³ Ayiwa, Matigi Ala kumana Musa fe k'a fɔ a ye ko: ¹⁴ «Aw ye bɔ ni Alatɔgɔcɛnbaga ye kene ma. Minw bee ka kumajugu men a da ra, olugu bee ye o borow la a kun na; jama bee ye a bon ni kabakuru ye fɔ k'a faga.»

¹⁵ Ala k'a fɔ Musa ye ko: «A fɔ Izirayelimɔgɔw ye ko, ni mɔgɔ o mɔgɔ ka Ala tɔgɔ cɛn, o hake ka kan ka bɔ o tigi ra; ¹⁶ o tigi ka kan ka faga. Jama bee ye a bon ni kabakuru ye k'a faga. Ni a kera lonan ye, walama dugulen, a ka kan ka faga, sabu a ka Ala tɔgɔ cɛn.

¹⁷ «Ni mɔgɔ o mɔgɔ k'a mɔgɔɔɔgɔn bugɔ k'a faga, o tigi fana ka kan ka faga.

¹⁸ «Ni mɔgɔ min ka dɔ ta began bugɔ k'a faga, a ka kan k'a jɔgɔn di. Begin janaman dɔ le be ke ka began faganin juru sara.

¹⁹ «Ni mɔgɔ dɔ k'a mɔgɔɔɔgɔn mandimi, o tigi fana be mandimi a jɔgɔn ye; ²⁰ ni min ka mɔgɔ dɔ kolo kari, o ta ka kan ka kari a jɔgɔn ye; ni min ka mɔgɔ ja ci, o ta ka kan ka ci a jɔgɔn ye; ni min ka mɔgɔ jin bɔn, o ta ka kan ka bɔn a jɔgɔn ye; ni i ka nɔ o nɔ ke i mɔgɔɔɔgɔn na, o nɔ jɔgɔn ka kan ka ke i ra fana.

²¹ «Ni mɔgɔ min ka dɔ ta began faga, a tigi ka kan k'a jɔgɔn di. Nka ni mɔgɔ min ka mɔgɔ faga, o tigi ka kan ka faga a jɔgɔn ye.

²² «Ayiwa, nin sariyaw sigira mɔgɔ bee le kama, lonan fara dugulen kan; sabu ne le ye Matigi Ala ye, aw ta Ala.»

²³ Ayiwa, Musa ka o kuma fɔ Izirayelimɔgɔw ye ka ban minke, o ka Alatɔgɔcɛnbaga mina ka bɔ ni a ye kene ma, ka taga a bon ni kabakuru ye fɔ k'a faga. O cogo ra, Matigi Ala tun ka min fɔ Musa ye, Izirayelimɔgɔw k'a ke ten.

Nenekirisan ta sariya

25 ¹ Matigi Ala kumana Musa fe Sinayi kuru kan, k'a fɔ a ye ko: ² «Kuma Izirayelimɔgɔw fe, k'a fɔ o ye ko: «Ne bena jamana min di aw ma, ni aw nana taga don o jamana ra, ni wagati dɔ nana se, aw ka kan ka a to aw ta dugukolo ye nenekiri. Aw bena o ke nenekiri wagati le ye, ka Matigi Ala bonya. ³ Aw bena aw ta forow sene ka se fɔ san wɔrɔrɔ, ka simanw dan a ra, ka o tige, ka aw ta rezensunw kun tigetige janko a ye den ka ja, k'a rezenmɔ tige. ⁴ Nka a san wolonflan, o bena ke dugukolo ta nenekirisan ye; aw ye nenekiri o san na, ka Matigi Ala bonya. O san na, aw man kan ka siman dan aw ta forow ra, aw man kan ka aw ta rezensunw kun tigetige fana janko o ye den ka ja. ⁵ Hali simankise minw benbenna dugu ma simantigewagati ra, ka falen o yere ma foro kɔnɔ, ni olugu ka den, aw man kan ka o siman tige, k'a lajen aw yere fe. Ni aw ta rezensunw fana tora o yere ma yi ka den minw ke, aw man kan ka o denw tige fana k'a lajen aw yere fe; sabu o san ye dugukolo ta nenekirisan le ye. ⁶ Fɛn minw bena falen o yere ma kongo kɔnɔ, o ka kan ka labla bee le ye, ka ke bee ta baro ye: aw yerew, ani aw ta baarden cemanw ni a musomanw, ani minw be baara ke aw fe sara ra, ani lonan temebaga minw be aw fe, ⁷ ani aw ta beganw, ani kongosogow bee. O san ta simanw be ke bee ta baro le ye.»

Yafarisan ta sariya

⁸ «Ayiwa, ni nenekirisan wolonfla ka teme, o be ke san wolonfla sigiyɔrɔma wolonfla ye; o nenekirisan wolonfla bee bena ke san binaani ni kɔnɔntɔn ye. ⁹ O san binaani ni kɔnɔntɔnnan karo wolonflan tere tan, aw ye buruw fiye ka mankanba bɔ. O ye jurumun yafalonba le ye. Aw ye buru fiye ka mankanba bɔ jamana yɔrɔ bee ra. ¹⁰ Aw ye san biloorunan bla danna ka Matigi Ala bonya. Aw ye mɔgɔw labla jamana kɔnɔ, ka forow labla o tigiw ye; bee ye ke a yere ta ye o san na. O san bena ke yafarisan⁸ le ye aw fe. Minw tun ka o ta dugukolow tɔnɔmasigi, olugu ta dugukolow ye kɔsegi o ma; jɔnw bee ye labla, o ye sekɔ ka taga o ta somɔgɔw fe. ¹¹ O san biloorunan bena ke aw fe yafarisan le ye. Aw man kan ka siman dan. Siman minw wurira o yere ma aw ta foro kɔnɔ, aw man kan ka o simanw kan k'a lajen aw yere fe. Ni aw ta rezensunw fana tora o yere ma yi ka den minw ke, aw man kan ka o denw tige ka o lajen aw yere fe; ¹² sabu yafarisan lo; aw ka kan ka o san jate i n'a fɔ san saninman. Ni siman minw falenna kongo ra o yere ma, o le bena labla bee ye, ka ke bee ta baro ye. ¹³ O nenekirisan na, min o min tun k'a ta dugukolo tɔnɔmasigi, olugu ta dugukolo ye kɔsegi o ma.

¹⁴ «Ayiwa, ni aw be foro dɔ san, walama ni aw be foro dɔ fiyeere aw ta jamana mɔgɔ dɔ ma, dɔ man kan ka ben dɔ kan. ¹⁵ Foro be se ka seneko da min ke tuun sani ka yafarisan dɔ were se, aw ka kan ka o sanw le jate k'a sɔngɔ fɔ, ka kapa ni o ye. ¹⁶ Foro be se ka seneko da min ke tuun sani ka yafarisan dɔ were se, ni o sandaw belen ka ca, o tuma foro sɔngɔ ka kan ka caya, nka ni a sanw man ca, dɔ ka kan ka bɔ a sɔngɔ ra; sabu siman tigeko da min bena bɔ foro ra, a be i n'a fɔ o siman le be fiyeerera. ¹⁷ Mɔgɔ si man kan k'a mɔgɔɔɔgɔn janfa. Aw ye siran Ala ja; ne le ye Matigi Ala ye, aw ta Ala. ¹⁸ Aw ye ne ta sariyaw, ani ne ta cifɔninw bee ke, k'a sira tagama ka ja. Ni o kera, aw bena to hera ni laganfiya ra aw ta jamana kɔnɔ. ¹⁹ Aw ta forow simanw bena ja; aw bena domuni sɔrɔ caman, ka to hera ni laganfiya ra aw ta jamana kɔnɔ.

²⁰ «Aw be se k'a fɔ ko aw bena mun le sɔrɔ k'a domu nenekirisan na, sabu aw tena dannin ke, aw tena siman tige fana. ²¹ Ayiwa, ne bena baraka don aw ta san wɔrɔrɔnan siman na, k'a caya k'a to a ye aw baro fɔ

⁸25.10 Kitabu dɔw kɔnɔ, o san tɔgɔ ye ko: Zubile.

san saba. ²²San seeginan, aw bēna aw ta simanw dan. Nka aw bēna to ka san wāwōnan ta simanw tō le domu belēn, fō ka taga se san seeginan ta simankura ma.» »

Dugukolow kunmabōri ta sariya

²³ « «Aw man kan ka aw ta dugukolo yōrō si fiyeere, aw ka kan k'a tōnōmasigi dōrōn le; sabu aw bē jamana min na, o ye ne ta jamana le ye. Aw bē i n'a fō lonan tēmēbagaw, walama lonan minw siginin bē ne ta jamana ra. ²⁴Aw ta jamana yōrō bē ra, aw ka kan ka sariya dō sigi min b'a to mōgō ye se k'a ta foro kunmabō. ²⁵O ra, ni fagantanya bēna dō kan, fō k'a jagboya k'a to a k'a ta foro yōrō dō tōnōmasigi, a balema min ye a ta somōgō yereyere dō ye, o ka kan ka na a balema ce ta foro kunmabō a ye. ²⁶Ni mōgō tē mōgō min fē, min bē se k'a ta foro kunmabō, ni a yere nana se ka foro kunmabōsara sōrō, ²⁷sanda min tora sani yafarisan ye se, o sanda le bē jate ka foro wari fō; a dakōrō tē tuun. Ni o kera, a ta foro bē sekō a ma. ²⁸Ayiwa, ni foyi tē a tigi boro k'a ta foro kunmabō, o tuma, foro tōnōmasigira min ma, a bē to o tigi fē, fō ka taga yafarisan se. Ni yafarisan sera, forotigi ta foro bē sekō a ma. A tun tōnōmasigira min ma, ale ka kan ka sabari ka foro to a tigi ye.» »

Bonw kunmabōri ta sariya

²⁹ « «Ni mōgō min k'a ta so tōnōmasigi; k'a sōrō o so bē dugu min kōnō, o dugu lamininin bē ni kogo ye, sotigi ka kan k'a ta so kunmabō sani san kelen ye dafa. Kunmabōri bē dan o san kelen le ma. ³⁰Nka ni san minina ka bēn k'a sōrō a ma a ta so kunmabō, o tuma kunmabōri banna. So tōnōmasigira min ma, a bē kē ale ni a ta denw ta ye wagati bē. Hali ni yafarisan sera, a tē bō o so kōnō tuun.

³¹ « «Dugudennin minw ma lamini ni kogo ye, olugu ta sow tōnōmasigiri bē kē i n'a fō forow ta. Olugu bē se ka kunmabō tuma bē; ni yafarisan sera fana, so tōnōmasigira min ma, o ka kan ka so to a tigi ye.

³² « «Ayiwa, min kera Levi ta mōgōw ye, ni olugu dō ka o ta so tōnōmasigi o yere ta dugu dō ra, ni wagati o wagati ka bēn o ma, o bē se ka o so kunmabō. ³³Ni Levi ta mōgō dō k'a ta so dō tōnōmasigi a yere ta dugu dō ra, ni a ma na se k'a kunmabō, ni yafarisan sera, min ka so san, o tigi ka kan ka bō so kōnō k'a to Levi ta mōgō ye; sabu so minw bē Levi ta mōgōw fē o yere ta duguw ra, Izirayeli jamana ra, o sow ye o ta le ye; a tē se ka mina o ra fiyewu. ³⁴Foro minw bē Levi ta mōgōw fē, o ta duguw kere fē, mōgō si man kan ka o forow san; sabu o ye o ta le ye wagati bē.» »

Fagantanw demecogo ta sariya

³⁵ « «Ayiwa, ni fagantanya bēna i balema dō kan i kōrō, fō ka na a kē ko a desera pewu, hali ni lonan lo walama ni tēmēbaga lo, i ka kan k'a demē, janko a ye to aw kōrō. ³⁶Ni i ka wari juru don a ra, i kana tōnō jini a ra, i kana dō fara fen sōngō kan; i ka kan ka siran Ala ja, k'a to i mōgōjōngōn ye to i kōrō. ³⁷Ni i ka wari juru don mōgō ra, i kana tōnō jini a ra. Ni i ka domunifen fiyeere a ma juru ra, i kana dō fara a sōngō kan. ³⁸Ne le ye Matigi Ala ye, aw ta Ala. Ne le ka aw labō Misiran jamana ra, ka na Kanaana jamana di aw ma, ka kē aw ta Ala ye.» »

Mōgō kunmabōri ta sariya

³⁹ « «Ayiwa, ni fagantanya bēna i balema Izirayelimōgō dō kan i kōrō, fō ka na a kē ko a k'a yere fiyeere i ma, ko a bē kē i ta jōn ye, i man kan k'a jōnyamina. ⁴⁰A ka kan ka baara kē i fē i n'a fō i ta baaraden dō, walama i ko i ta lonan tēmēbaga dō; a bēna baara kē i fē fō ka taga yafarisan se. ⁴¹Ni yafarisan sera, a bē bō ka taga a ta so, ani a ta denw, ka taga sigi a faw ta yōrō ra. ⁴²Izirayelimōgōw bē ye ne Matigi Ala kelen ta jōnw le ye; sabu ne le ka o labō Misiran jamana ra. O kosōn Izirayelimōgō si man kan ka fiyeere mōgō ma ka kē o tigi ta jōn ye. ⁴³Aw man kan ka aw balema Izirayelimōgō si jōnyamina, k'a minako juguya; aw ye siran Ala ja.

⁴⁴ « «Siya wēre mōgō minw bē aw ta jamana lamini na, aw bē se ka aw ta jōncew ni aw ta jōnmusow bō o siyaw le ra. Aw bē se ka olugu dōw le san ka o kē aw ta jōncew ni aw ta jōnmusow ye. ⁴⁵Lonan tēmēbaga minw nana sigi aw ta jamana ra, aw bē se ka olugu ta denw fana san ka o kē aw ta jōnw ye, hali ni a kera ko o denw worora aw ta jamana ra le. O jōn jōngōnw le bē kē aw ta ye. ⁴⁶O jōnw bēna kē aw denw fana ta cēn ye, aw kō. O bēna to jōnya ra aw fē, fō ka taga o sa. Nka aw man kan ka aw balema Izirayelimōgō dō jōnyamina, k'a minako juguya.

⁴⁷ « «Ayiwa, lonan minw siginin bē aw fē, walama minw nana wagati dō kē aw fē, ni o dō ka kē naforobatigi ye, k'a sōrō aw balema Izirayelimōgō dō kera fagantan ye a kōrō, fō ka na a yere fiyeere o lonan ma, walama o lonan ta mōgō dō ma, ko a bē kē a ta jōn ye, ⁴⁸a fiyeerenin kō, a bē se ka kunmabō. A kōrōce walama a dōgōce dō bē se k'a kunmabō o jōnya ra. ⁴⁹A face balema ce, walama o dence, walama a ta somōgō dō wēre fana bē se k'a kunmabō; walama ni se nana kē a yere ye, a yere bē se k'a yere kunmabō. ⁵⁰O tuma, sanda min bē o wagati ni yafarisan ce, a bē o jate ni a matigice ye. A kunmabōwari bē jate ka kapa ni o sandaw le ye; warida min bē di baaraden ma o sanda jōngōn kōnō, o warida le ka kan ka di a kunmabōsara ye a matigice ma. ⁵¹Ni o wagati ni yafarisan ce ye san caman ye, a bēna wari caman le sekō a matigice ma a kunmabōri sara ye, ka

kaṇa ni o sandaw ye. ⁵²Nka ni a wagati ni yafarisan ce ye san dama dɔɔn le seko a matigice ma, ka kaṇa ni o sandaw ye.

⁵³«Ni Izirayelimɔgo dɔ k'a yere fiyeere lonan ma, o lonan ka kan ka o Izirayelimɔgo jate i ko baaraden min be baara kera a fe san kɔnɔ. Aw man kan k'a to a ye a jɔnyamina, k'a minako juguya. ⁵⁴Ni o Izirayelimɔgo ma se ka kunmabo cogo si ra, o tuma, yafarisan le ra a be ke a yere ta ye; a ni a ta denw be taga o ta so; ⁵⁵sabu Izirayelimɔgow ye ne Matigi Ala kelen ta jɔnw le ye. Ne ta jɔnw lo; ne le ka o labɔ Misiran jamana ra. Ne le ye Matigi Ala ye, aw ta Ala.»

Baraka be sɔɔ Ala ta sariya sira tagama ra

26 ¹Matigi Ala k'a fo tuun ko: «Aw kana batofen gbansan si bato. Aw kana fen dɔ bisigiya lalaga ni bɔgo ye walama nege, walama ni fen were ye k'a bato. Aw kana farakuru si ke aw ta batofen ye fana, walama ka kabakuru dɔ jegenjegen ka lo a ja fe k'a bato. Ne le ye Matigi Ala ye, aw ta Ala. ²Ne ka Nenekirilon minw fo aw ye, aw ka kan ka o lonw jate; aw ka kan ka bonya la ne ta batoyɔɔ saninman kan fana. Ne le ye Matigi Ala ye.

³«Ni aw ka ne ta sariyaw sira tagama, ka ne ta cifɔninw ke, ⁴o tuma ne bena sanji di aw ma a wagati ra, aw ta senefenw bena ja, kongoyiriw bee bena den. ⁵Aw ta senefenw bena ja, k'a ke fo sani siman ye gbasi ka ban, o b'a sɔɔ ko rezenw fana mɔna; sani rezenmɔw ye tige ka ban, o b'a sɔɔ ko simankura dantuma sera fana. Aw bena domuni sɔɔ caman, k'a domu ka fa aw sago ma. Aw be ke hera ni laganfiya ra jamana yɔɔ bee ra. ⁶Ne bena hera ke jamana yɔɔ bee ra. Aw bena la ka sunɔgo, mɔgo tena aw lasiran. Ne bena kongowaraw bee gben ka bo jamana kɔnɔ. Kere tena se aw ta jamana ma. ⁷Aw juguw bee bena bori aw ja; aw be o gben ka o faga. ⁸Aw ra ce looru bena aw jugu ce keme gben. Ce keme be ce waga tan gben. Aw be o gben ka o faga. ⁹Ne bena ne hakiri to aw ra, ka den caman di aw ma, ka aw ta siya caya. Ne bena to ne ta jɔnɔɔɔnya ra ni aw ye. ¹⁰Sani aw ye aw ta simankɔɔw domu ka ban, o b'a sɔɔ ko simankuraw sera. Aw bena simankɔɔw labɔ bondow kɔnɔ, ka simankuraw ladon o no ra. ¹¹Ne bena sigi aw ce ra; ne tena aw kɔninya fiyewu. ¹²Ne bena ke ni aw ye tuma bee; ne be ke aw ta Ala ye, aw be ke ne ta mɔgow ye. ¹³Ne le ye Matigi Ala ye, aw ta Ala. Ne le ka aw labɔ Misiran jamana ra, jɔnya ra. Ne ka jɔnya juru tige ka bo aw kan na, ka aw kun kɔɔtanin labɔ Misiran.»

Danga be Ala ta sariya sira tagamabariya ra

¹⁴Matigi Ala k'a fo tuun ko: «Nka ni aw ma ne lamɔn, ni aw ma ne ta cifɔninw bee ke, ¹⁵ni aw ma ne ta sariyaw jate, ni aw ka ne ta cifɔninw kɔninya ka ban ka o ke, ni aw ka ne ta jɔnɔɔɔnya cen, ¹⁶ne bena min ke aw ra, o fle nin ye: Ne bena cenri lase aw ma. Ne bena banajuguw bla aw ra, k'a ke farigban ye aw ra, ka aw padenw baraka dɔgoya; dɔ le bena to ka bo aw ra lon o lon. Aw bena siman dan ka dese, aw te foyi sɔɔ a ra; aw juguw le bena a bee domu. ¹⁷Ne bena juguya aw ma kosebe. Aw juguw bena se aw ra; aw kɔninyabagaw bena sigi aw kunna. Siranya kosɔn, aw bena bori k'a sɔɔ mɔgo yere te aw gbenna.

¹⁸«Ni o tɔɔɔw bee ko aw belɔn ma ne lamɔn, o tuma ne bena dɔ fara aw ta tɔɔɔw kan, ka aw ta jurumunw hake bo aw ra fo sijaga wolonfla. ¹⁹Ne bena aw ta yerebonya bo aw ra pewu. Sankolo bena ja i ko nege, ka dugukolo ja i ko siranege. ²⁰Aw bena baara ke ka aw yere sege gbansan. Aw ta foro simanw tena ja, yiriw tena den fana.

²¹«O bee ko, ni aw belɔn ka aw jusukun gbeleya, ka ban ka ne lamɔn, o tuma ne bena dɔ fara aw ta tɔɔɔw kan, ka aw ta jurumunw hake bo aw ra fo sijaga wolonfla. ²²Ne bena kongowaraw su aw ra. O bena aw ta denw faga, ka aw ta beganw fana faga, fo ka aw ta siya dɔgoya. Temɔbagaw bena dɔgoya siraw kan.

²³«Ni o tɔɔɔw belɔn ma aw yelemɔ, ni aw belɔn ka aw jusukun gbeleya, ²⁴ne fana bena ne jusukun gbeleya aw kama; ne Ala, ne bena dɔ fara aw ta tɔɔɔw kan tuun, ka aw ta jurumunw hake bo aw ra fo sijaga wolonfla. ²⁵Ne bena kere lase aw ma; aw ka ne ta jɔnɔɔɔnya cen minke, ne bena o hake bo aw ra. Ni aw ka bori ka taga dogo aw ta dugubaw kɔnɔ, ne bena banajuguw ben aw kan ka aw caman faga, ka aw mina ka aw don aw juguw boro. ²⁶Ne bena kongɔba ben aw kan, fo muso tan bena aw bee ta domuni tobi gba kelen kan, k'a suma sumanikeminan kɔnɔ, ka dɔɔnin dɔɔnin di aw ma; a bena a domu, nka a tena kongɔ bo aw ra.

²⁷«Ayiwa, ni o bee ko aw belɔn ma ne lamɔn, ni aw belɔn ka aw jusukun gbeleya, ²⁸ne fana bena ne jusukun gbeleya aw kama, ka fariya aw ma, ka dɔ fara aw ta tɔɔɔw kan, ka aw ta jurumunw hake bo aw ra fo sijaga wolonfla. ²⁹Aw bena aw dencew sogo domu, ka aw denmusow sogo domu.

³⁰«Aw ka aw ta sɔnnikeyɔɔ minw lo kongoriw kunna, ne bena o bee cici. Aw be wusunan bo aw ta jow ye kabakuru minw kan, ne bena o bee benben. Ne bena aw yere suw firifiri aw yere ta jow suw kan. Ne bena aw kɔninya. ³¹Ne bena aw ta dugubaw ke tomow ye, ka aw ta sɔnnikeyɔɔw cen. Aw ta saraka kasadimanw si tena diya ne ye tuun. ³²Ne bena aw ta jamana bee cen, fo aw jugu minw bena aw ta jamana ta, olugu yere bena kabakoya tuun. ³³Ne bena kere gban aw ra, fo ka aw janjan ka taga jamana werew ra. Aw ta jamana bee bena halaki; aw ta dugubaw bee bena ke tomow ye.

³⁴«Ni o kera, ka aw janjannin to aw juguw ta jamanaw ra, ani ka jamana lakolon to, jamana bena nenekiri. Aw tun ka kan ka jamana to a ye nenekiri san minw na, a bena nenekiri o sanw bee ra. ³⁵Tuma min na aw

tun be jamana ra, aw banna k'a to dugukolo ye nenekiri san minw na, a lakolon bena to ka nenekiri o wagatiw bee ra.

³⁶ «Aw ra minw panaman bena to o juguw ta jamana ra, ne bena siranyabana le bla olugu ra. Hali ni o ka flaburu gbansan mankan le men, o be bori. O be bori fo ka taga bo ka ben i n'a fo o be kere ra ni mogo do le ye, k'a soru mogo si te o gbenna. ³⁷ O be bori ka taga benben jagon kan, i n'a fo o be kere le ra, k'a soru mogo si te o ko. Aw tena se ka lo aw juguw na tuun. ³⁸ A laban, siya were mogow bena aw halaki. O ta jamanaw bena aw domu ka aw ban pewu. ³⁹ Minw panaman bena to aw ra, ne bena olugu halaki o juguw ta jamanaw ra, o ta jurumunw, ani o bemaw ta jurumunw koson.»

Ala te jina a ta layiri ko

⁴⁰ «O bee n'a ta, aw ta denw bena lo o ta terenbariyaw ra, ani o bemaw ta terenbariyaw ra, ka ne daari; o ka o jurumun minw ke ka ne hake ta, ani o ka o jusukun gbeleya ne kama cogo min na, o bena lo o bee ra. ⁴¹ O jurumunw le koson, ne fana ka ne jusukun gbeleya o kama, ka o janjan ka taga o juguw ta jamanaw ra. Nka ni olugu nana o ta jusukungbeleya dabra, ka o yere majigi, ni o ta terenbariyakow hake bora o ra, ⁴² o tuma, ne tun ka jengogonya min don ni o bemacew ye, Yakuba, ani Isiyaka, ani Iburahima, ne bena ne hakiri to o jengogonya ra. Ne tun ka jamana min layiri ta aw ye, ne bena ne hakiri to o ra fana. ⁴³ Nka o bena bo ka jamana lakolon to. O tun ka kan ka dugukolo to a ye nenekiri san minw na, o tuma jamana lakolon bena to, janko a ye nenekiri o wagatiw bee ra. O wagati ra fana, o ta terenbariyakow bee hake bena bo o ra, sabu o ma ne ta cifninw jate, o ka ne ta sariyaw cen. ⁴⁴ Nka o bee n'a ta, hali ka o to o juguw ta jamana ra, ne tena ban o ra, ka o koninya fo ka taga o ta siya tunu, fo ka taga ne ta jengogonya dabra ni o ye; sabu ne le Matigi Ala ye, o ta Ala. ⁴⁵ Ne tun ka jengogonya min don ni o bemaw ye, ka o labo Misiran jamana ra siya tow bee na na, ka ke o ta Ala ye, ne bena ne hakiri to o jengogonya ra; sabu ne le ye Matigi Ala ye.»

⁴⁶ Ayiwa, Matigi Ala ka sariyaw ni ciw ni kuma minw fo Musa ye Sinayi kuru kan, ko a ye a fo Izirayelimogow ye, olugu le ye nin ye.

Dajuru min tara ni mogo do ye

27 ¹ Matigi Ala kumana Musa fe k'a fo a ye ko: ² «Kuma Izirayelimogow fe, i y'a fo o ye ko ni mogo do ka dajuru ta Matigi Ala fe, ko a bena mogo do le bla danna Matigi Ala ye, ayiwa, o tigi be se ka wari di mogo no ra ka o dajuru dafa. ³ A ka dajuru ta ko a be mogo min bla danna Matigi Ala ye, ni o tigi si be san mugan ni san biwooro ce, ni ce lo, a be warigbe bilooru le di a no ra, ka kapa ni yoro saninman* ta jate ye. ⁴ Ni muso lo, o ye warigbe bisaba ye. ⁵ Ni a tigi si be san looru ni san mugan ce, ni ce lo, o ye warigbe mugan. Ni muso lo, o ye warigbe tan. ⁶ Ni a tigi si be karo kelen ni san looru ce, ni ce lo, o ye warigbe looru. Ni muso lo, o ye warigbe saba. ⁷ Ni a tigi si ye san biwooro, walama ni a temena o kan, ni ce lo, o ye warigbe tan ni looru. Ni muso lo, o ye warigbe tan.»

⁸ «Ayiwa, warida min fora, ni o se te dajurutabaga ye, o tuma a ka mogo min bla danna Matigi Ala ye, a ye taga ni o ye sarakalasebaga fe. Sarakalasebaga bena a fle, ka da do yira ka kapa ni dajurutabaga ta sorota ye.»

Dajuru min tara ni began ye

⁹ «Ayiwa, ni dajuru tara ni began le ye, began min be se ka ke saraka ye k'a di Matigi Ala ma, ni o began ka di Matigi Ala ma, o began be ke Matigi Ala ta le ye. ¹⁰ A man kan ka o began falen do were ra; ka cejugu do bla numanman do no ra, walama ka numanman do bla cejugu do no ra. Ni a ko a be a falen, o tuma o began fla bee le be ke Matigi Ala ta ye.»

¹¹ «Ayiwa, ni dajuru tara ni began do ye, min te se ka ke saraka ye k'a di Matigi Ala ma, dajurutabaga ka kan ka taga ni o began ye sarakalasebaga fe. ¹² Sarakalasebaga bena warida do fo, min be ben began songo ma, ka kapa ni began cogo ye. Ni a ka min fo, o le be jate. ¹³ Ni begantigi b'a fe ka began kunmabo, a ka kan ka o warida le di. O ko, ni a k'a songo taran taranyoro looru, taran kelen be ben da min ma, a ye o fana di ka o fara a wari kan.»

Minw b'a fe ka o ta bon di Ala ma

¹⁴ «Ni mogo do k'a ta bon di Matigi Ala ma, ko a ye bla danna Matigi Ala ye, sarakalasebaga be o bon fle, k'a songo fo ka kapa ni bon cogo ye. Ni a ka songo min fo, o le be jate. ¹⁵ Min ka bon di, ni ale b'a fe ka bon kunmabo, sarakalasebaga ka warida min fo, a be o le di. O ko, ni a k'a songo taran taranyoro looru, taran kelen be ben da min ma, a ye o fana di ka o fara a kan. O tuma bon be ke a ta ye tuun.»

Minw b'a fe ka o ta foro di Ala ma

¹⁶ «Ni mogo do ka foro do soru cen ye a faw fe, ni a ka o foro yoro do di Matigi Ala ma, siman hakeya min be se ka dan o foro ra, a songo be fo ka kapa ni o le ye. Ni siman kilo keme saba lo, foro songo be ben warigbe bilooru ma. ¹⁷ Ni a ka foro di Ala ma yafarisan le laban na, o songo min fora, o le be jate. ¹⁸ Ni a ka foro di Ala ma, k'a soru yafarisan temena ka san dama dama ke ka ban, sanda min tora sani yafarisan do were ye se,

foro sɔngɔ bɛ fɔ ka kaɲa ni o sandaw le ye. O tuma, dɔ bɛ bɔ foro sɔngɔ ra. ¹⁹ Ni forotigi b'a fɛ k'a ta foro kunmabɔ, a ka kan ka foro sɔngɔ di. O kɔ, ni a k'a sɔngɔ taran taranyɔrɔ looru, taran kelen bɛ ben da min ma, a ye o fana di ka o fara a kan. Ni o kera, foro bɛ ke a ta ye tuun. ²⁰ Ni a ma foro kunmabɔ, ni o nana foro fiyeere mɔgɔ wɛrɛ ma, o tuma ale tɛ se ka o foro kunmabɔ tuun. ²¹ Min ka foro san, ni o tigi nana foro labla yafarisan na, o foro bɛ ke Matigi Ala ta ye. A bɛ ke i n'a fɔ a k'a boro bɔ o foro kan le pewu. O foro bɛ ke sarakalasebagaw ta ye.

²² «Ni mɔgɔ dɔ ka foro dɔ san, ka o foro di Matigi Ala ma, k'a sɔrɔ o foro tɛ a yɛrɛ ta cɛn ye, ²³ sanda min tora sani yafarisan ye se, sarakalasebaga bɛna a sɔngɔ fɔ ka kaɲa ni o le ye. Min ka foro di, o tigi ka kan k'a kunmabɔ o lon yɛrɛ ra. A wari bɛ bla danna Matigi Ala ye. ²⁴ Ni yafarisan sera, foro tun sanna min fɛ, min ta cɛn lo, a bɛ kɔsegi o tigi ma.

²⁵ «Warida bɛɛ ka kan ka fɔ ka kaɲa ni yɔrɔ saninman ta jate da le ye. O jate ra, o warigbɛ kelen bɛ ben garamu tan ni fla ma^h.»

Fɛn minw tɛ se ka kunmabɔ

²⁶ «Mɔgɔ si man kan k'a ta bɛgan den fɔlɔ cɛman di Matigi Ala ma; o ye Matigi Ala ta le ye ka ban, sabu den fɔlɔ o den fɔlɔ, ni cɛ lo, ni a kera misi le ye walama saga, walama ba, o ye Matigi Ala ta le ye. ²⁷ Ni a kera bɛgan dɔ le ye, min tɛ se ka ke saraka ye, o tuma a bɛ warida min bɔ, o ye a kunmabɔ ni o warida ye. O kɔ, ni a k'a sɔngɔ taran taranyɔrɔ looru, taran kelen bɛ ben da min ma, a ye o fana di ka o fara a kan. Ni a ma kunmabɔ, o tuma a bɛ da min bɔ ka kaɲa ni sarakalasebaga ta jate ye, aw ye a fiyeere o ra.

²⁸ «Ni mɔgɔ k'a boro bɔ a ta borofɛn min o min kan pewu, k'a di Matigi Ala ma, ni a kera mɔgɔ le ye o, walama bɛgan o, walama a ka foro min sɔrɔ cɛn ye o, o fɛn tɛ se ka fiyeere tuun, a fana tɛ se ka kunmabɔ tuun. Ni mɔgɔ k'a boro bɔ fɛn o fɛn le kan pewu, k'a di Ala ma, o fɛn bɛ ke fɛn saninyaninba le ye, k'a bla a danna Matigi Ala ye.

²⁹ «Ni boro bɔra mɔgɔ o mɔgɔ fana kan pewu, ko a ye halaki, o tigi fana tɛ se ka kunmabɔ; a ka kan ka faga leⁱ.»

Yaga bɔcogo

³⁰ «Yaga bɛɛ ye Matigi ta le ye; ni a kera siman le ye, walama yiriden, Matigi ta lo. Fɛn dɔ lo min blara danna Matigi Ala ye. ³¹ Ni mɔgɔ dɔ b'a fɛ k'a ta yaga kunmabɔ, a ka kan k'a sɔngɔ di. O kɔ, ni a ka o sɔngɔ taran taranyɔrɔ looru, taran kelen bɛ ben da min ma, a ye o fana di ka o fara a kan. ³² Yaga o yaga, ni misi lo, walama saga, walama ba, den tan o den tan, aw ka kan ka kelen bɔ ka o bla danna Matigi Ala le ye. ³³ Bɛgantigi man kan k'a ta bɛganw woloma k'a yaga di. Ni cɛjugu lo, walama ni cɛnuman lo, ni yaga ka ben min ma, a ye o le di. A man kan ka dɔ falɛn dɔ ra. Ni a ko a bɛ a falɛn, o tuma bɛgan fla bɛɛ le bɛ ke Matigi Ala ta ye. O fla si tɛ se ka kunmabɔ fana.»

³⁴ Ayiwa, Matigi Ala ka sariya minw fɔ Musa ye Sinayi kuru kan, ko a ye o fɔ Izirayɛlimɔgɔw ye, o sariyaw le ye nin ye.

^h27.25 Heburukan na, a sebera ko: sikele ye gera mugan. Sikele ye garamu tan ni fla ye, gera ye garamu tarance ye.

ⁱ27.29 O kɔrɔ ye ko o tigi ka kojugu minw ke, a bɛ faga o le kosɔn.